

ՀԱՅԵՐԵՆ ԱՎԱԴԵՄԻԱԿԱՆ ԱՎԱԳԱԳՈՒՅՆ ՊԱՐԲԵՐԱԿԱՆԸ

(«ԼԵՐԱՔԵՐԻ» 30-ամյակի առթիվ)

Հայ մամուլի պատմությունից հայտնի է, որ հայերեն թերթերն ու պարբերականները 1794 թ. սկսած, երբ Մադրասում լույս տեսավ «Ազդարար» ամսագիրը, որքան հաճախ էին ասպարեզ գալիս, նույնքան արագ էլ մարում էին՝ մեծ մասամբ հազիվ մի քանի տարվա կյանք ունենալով։ Ոչ լրիվ տվյալներով մինչ 1934 թ. լույս տեսած հայերեն ամսական 1750 պարբերականներից երեսուն տարուց ավելին են տեղի միայն 16 անուն թերթեր և ամսագրեր։

Առավել վատթար էր հայ գիտական պարբերականների վիճակը։ Բնորոշ է, որ առաջին պարբերականը, որ հավակնություն ուներ լուսարանել զուտ գիտական հարցերը՝ «Մետեորան» հազիվ երկու տարի գոյություն ունեցավ։

Նյութական անապահովությունն ու տիրող կարգերը թե՛ Արևելյան Հայաստանում և թե՛ մասնավոր Արևմտյան Հայաստանում ոչ միայն չէին նպաստում գիտական մտքի, հետևապես և գիտական մամուլի զարգացմանը, այլև կաշկանդում ու հալածում էին գիտությունը զբաղվելու ամեն մի փորձ։ Արևմտահայ գործիչ Պողոս Մելիքշահյանը (1788—1855), որ ստացել էր Ֆիզիկա Պոզոս անունը, բնական գիտություններով զբաղվելու հնարավորություն չունենալով, իր տնային պայմաններում էր փորձեր կատարում, թանգարան հիմնում և մինչև կյանքի վերջն էլ չկարողացավ երևան հանել իր բնական մեծ տաղանդի պտուղները։ Մի այլ գիտնական, մատերիալիստ-բնագետ Գալուստ Կոստանդյանը (1840—98) գիտական-հրատարակչական գործունեությունը սկսելով տակավին տասնհինգ տարեկանում, զմյուռնահայ իրականության մեջ իր հանրագիտական դործունեությունից կարողացավ հրապարակ հանել լուկ մի հատոր՝ «Մեթոդի վրա» գիրքը։ Ուժերի ծաղկման շրջանում վախճանված մեծ բնագետը, որ կոչում ուներ ավետելու գիտական մտքի հաղթանակը և համաշխարհային գիտության նվաճումները մեզանում պրոպագանդող ու պաշտպանող ռազմիրան եղավ, մեծագույն հավատ ուներ գիտության հանդեպ, կանխազգում էր, որ XX դարը «մեծ դար մը պիտի ըլլա», որ նա ճշկերային գիտությանց նորանոր լույսեր» պետք է բերի։

Հակառակ գործադրված բոլոր ջանքերին և հայ ակնավոր գործիչների բոլոր ձգտումներին գիտական որևէ օջախ այդպես էլ չհաջողվեց ստեղծել, իսկ գիտությամբ զբաղվող առանձին ինտուիցիաներ մշտապես անլուր տառապանքների գնով էին գլուխ բերում այս կամ այն դործը՝ դատվելով եզակի երջանիկների թվին։ Հայտնի հրապարակախոս, բժիշկ-հասարակական գործիչ Ն. Տառավարյանը հիմնելով «Գիտական» շաբաթում ամսագիրը, պատրաստ էր «ի հարկին նույնիսկ զոհելու» իր ինքը, բայց հազիվ կարողացավ երեք տարի պահպանել պարբերականը։

Բնորոշ է հայ ճարտարապետության երախտավոր Թորոս Թորամանյանի օրինակը։ Այն ինչ հաջողվեց անել նրան, հաջողվեց լուկ իր անհուն եռանդի գնով։ Ավելի ողբերգական եղավ հայկական առաջին գիտական օջախի տնօրենի՝ Լևոն Լիսիցյանի ճակատագիրը։ Մեծ պատրաստություն ունեցող երիտասարդը, ինչպես արտահայտվել է Հովհ. Թորամանյանը, նշանակվելով էջմիածնի կուլտուր-պատմական ինստիտուտի (ձեռագրատան ու Բանգարանի) կոմիսար, նոր էր ձեռնամուխ եղել ազգայնացված հայ հին ձեռագրատան կարգավորմանը, երբ 1921 թ. բռնկեց փետրվարյան ավանտյուրան։ Գիտնական-դասախոսն ընկավ ժողովրդի գիտական արժեքների պաշտպանության դիրքում՝ հենց ձեռագրատան կամարների տակ։

Միայն սովետական կարգեր հաստատվելուց հետո՝ բուն Հայաստանում ստեղծվեցին բարձրագույն ուսումնական հաստատություններ և առաջին հերթին Երևանի պետական համալսարանը։ Մեր հանրապետության առաջին գիտական օջախին հաջորդեցին նոր բուհեր ու գիտական հաստատություններ։ Հրաշա Աճառյանը, Ստեփան Մալխասյանը, Մանուկ Աբեղյանը, Հակոբ Մանանդյանը, Ստեփան Ղամբարյանը, Ալեքսանդր Թորամանյանը, Հովսեփ Տեր-Աստվածատուրյանը, Լևոն Ղարձան գիտության առաջամարտիկները, Բազմաթիվ գիտնականներ պատրաստություն ստացան Մոսկվայի և Լենինգրադի գիտական օջախներում։ Ռուս շատ գիտնականներ նշանակալից դեր կատարեցին Սովետական Հայաստանի գիտության զարգացման գործում, աճեցրին հայ գիտնականների մի ամբողջ սերունդ։

1935 թ. ստեղծվեց ՍՍՀՄ դիտությունների ակադեմիայի հայկական ֆիլիալը, որը շուտով՝ 1943-ին վերակազմակերպվեց Հայաստանի գիտությունների ակադեմիայի Դրանով իրագործվեց ալ ժողովրդի նվիրական երազանքը, Ընդամենը կես դարում Սովետական Հայաստանը դարձավ գիտության առաջնակարգ օջախ:

Գիտության զարգացման կարևորագույն պայմաններից մեկը, — իրավամբ նկատել է ակադեմիկոս Վ. Համբարձումյանը, — գիտական ամսագրերի ստեղծումն է՝ տարբեր մասնագիտությունների դեմքով, Հենց որ Սովետական Հայաստանում հիմնվեցին առաջին գիտական հիմնարկությունները և ուսումնական հաստատությունները հանդես եկան նաև առաջին տպագրի գիտական օրգանները, Լայց այդ գործն անհրաժեշտ ընթացք ստացավ միայն հանրապետության գրությունների ակադեմիայի կազմակերպումից հետո, Այժմ ակադեմիան հրատարակում է մի ամբողջ շարք գիտական պարբերականներ:

Սյգ պարբերականների լուկ թվարկումը ցույց է տալիս, որ այժմ գիտական հրատարակությունների զործք մեծ ծավալ է ստացել, Կանոնավորաբար հրատարակվում են ՀՍՍՀ գիտությունների ակադեմիայի պարբերականները՝ «Հայաստանի կենսաբանական հանդես», «Մաթեմատիկա», «Մեխանիկա», «Ֆիզիկա», «Հայկական քիմիական ամսագիր», «Պատմա-բանասիրական հանդես», «Ալյան շրջանառություն», «Էքսպերիմենտալ և կլինիկական բժշկության հանդես», «Գիտություն երկրի մասին», որոնք հրատարակվում են տարեկան 630 մամուլ ծավալով՝ 185 500 ընդհանուր ապարանակով: Հայ գիտական մամուլի զարգացման նշանակալից փաստերից մեկն է «Աստրոֆիզիկա» ամսագիրը՝ ակադեմիկոս Վ. Հ. Համբարձումյանի խմբագրությամբ: Դրանց զուգահեռ հրատարակվում են դանադան ժողովածուներ, տեղեկագրեր ու զեկույցներ, այդ թվում «Հայկական ՍՍՀ դիտությունների ակադեմիայի ցեկույցները» սկսած 1944 թ., տարեկան տասը համար և «Հայկական ՍՍՀ գիտությունների ակադեմիայի տեղեկագիրը» (տեխնիկական գիտությունների սերիա)՝ 1957 թ.:

Ակադեմիայի գիտական պարբերականների շարքում իր հատուկ տեղն ունի մեր հանրապետության ավագանու գիտական ամսագիրը՝ «Լրաբեր հասարակական գիտությունների» (մինչև 1966 թ.՝ «Տեղեկագիր»):

«Տեղեկագիրը» ՍՍՀՄ դիտությունների ակադեմիայի հայկական ֆիլիալի միակ պարբերականն օրգանը, սկսել է հրատարակվել 1940 թ.՝ ֆիլիալի նախագահության որոշումով և ընդգրկում էր ինչպես բնական, այնպես էլ հասարակական գիտությունները: Պարբերականի անդրանիկ համարը, որը տպագրության է հանձնվել հունիսի 29-ին, լույս է տեսել 242 էջ ծավալով, 1000 օրինակ տպաբանակով, Բավազան է ու հարուստ ամսագրի Ձ 1—2 միացյալ համարի բովանդակությունը, Խմբագրականից, Ս. Կարապետյանի, Ս. Բուդույանի, Էդ. Թոփչյանի հոդվածներից բացի նրանում հանդես են եկել զրականագետներ, կենսաբաններ ու պատմաբաններ: Գրականագետ Վ. Սարգսյանի և կենսաբանության պատմաբան Ռ. Գարրիելյանի ուսումնասիրությունները նվիրված են Միքայել Նալբանդյանին, իսկ Հ. Բատիկյանի և Ս. Պողոսյանի հետազոտությունները՝ Չարլզ Դարվինին: Հայագետ Ստ. Մախսյանը «Տեղեկագրի» անդրանիկ համարում հրատարակել է «Մովսես Խորենացու մասին» իր ուսումնասիրությունը, Իսկ Ա. Փանոսյանի ու Ռ. Միրզաբեկյանի համատեղ հետազոտությունը նվիրված է Թիրանենիների բախտերի հիվանդությանը: Համարում ընդարձակ ինֆորմացիա է տեղավորված Արմֆանի 1939 թ. գործունեության մասին, ինչպես և զրախոսված են Հ. Մանանդյանի «Տիգրան Բ և Հռոմ», պրոֆ. Խ. Սամվելյանի «Հին Հայ իրավունքի պատմություն» աշխատությունները:

«Տեղեկագրի» անդրանիկ խմբագրական կոլեկիայի կազմի մեջ էին մտնում Ս. Կարապետյանը (պատասխանատու խմբագիր), Բ. Մ. Հարությունյանը (պատասխանատու քարտուղար), Հ. Մ. Մելիքյանը, Հ. Խ. Բունիսյանը, Ա. Ա. Ֆեոդորովը: Այդ կազմը, բացառությամբ պատասխանատու խմբագրի, որի պարտականությունները 2-րդ համարից ֆիլիալի նախագահությունը դրեց Հ. Գ. Բատիկյանի վրա, հրատարակել է «Տեղեկագրի» առաջին յոթ համարները, 1941 թ. Ձ 3—4-ից պարբերականի խմբագրական կոլեկիան լրացվել է նրա կազմի մեջ մտան Գ. Հովհաննիսյանը (պատասխանատու խմբագրի տեղակալ), Ս. Ա. Մովսիսյանը և Մ. Գ. Ներսիսյանը: Որոշ ժամանակ՝ 1941 թ. Ձ 9-ից սկսած, «Տեղեկագիրը» հրատարակվում էր «Խմբագրական կոլեկիա» ստորագրությամբ, իսկ 1943 թ. 2-րդ համարից դրան զուգահեռ համարների թողարկման պատասխանատու խմբագիրը եղել է Խ. Մոմչյանը, որը հետագայում դարձավ պարբերականի հասարակական գիտությունների սերիայի խմբագիրը: «Տեղեկագրում» նյութերը զետեղվում էին հայերեն կամ ռուսերեն լեզուներով:

Պարբերականի սկզբնական պրոֆիլը պահպանվել է նաև հետագա տարիներին՝ մինչև 1943 թ.: Այդ ընթացքում՝ 1940—42 թթ. լույս են տեսել «Տեղեկագրի» 24 համարները: Նրա էջերում հան-

դես են եկել հնագետներ, բանասերներ, կենսաբաններ, քիմիկոսներ, լեզվաբաններ, պատմաբաններ, գրականագետներ, երկրաբաններ, արվեստագետներ, գրողներ: Համապատասխանաբար բազմազան է նաև պարբերականի այդ տարիների բովանդակությունը: Գլխավոր ուղղորդվածությունը դարձնելով ժողովրդական տնտեսության զարգացմանը նպաստող խնդիրներին, «Տեղեկագիրը» ղգալի տեղ է հատկացրել կենսաբանությանը, երկրաբանությանը, պտղաբուծությանը, հանքապետության օգտակար հանածոների հետազոտմանն ու արդյունահանմանը, էներգետիկ ռեսուրսների օգտագործմանը, առանձին շրջանների տնտեսություններին, քիմիայի կարևոր պրոբլեմներին, բերքատվության ու հողաշինարարության հարցերին: Պարբերականում հրենց արժեքավոր հետազոտություններով, մեկից ավելի անդամ, այնուհետև հանդես են եկել Հ. Խ. Բուխարյանը, Ա. Հ. Զիթլյանը, Ա. Ա. Ֆեոդորովը, Պ. Դ. Յարոշենկոն, Ա. Ա. Ռիխտերը, Ա. Ն. Վերմիլը, Ս. Հ. Մովսիսյանը, Ա. Թարախյանը, Մ. Մ. Դանիելյանը, Ս. Ա. Տեր-Դանիելյանը, Վ. Հ. Գուլբանյանը, Ս. Գ. Հովհաննիսյանը, Ս. Ա. Վարդանյանը, Վ. Ի. Իսաղովյանը, Ն. Մուշեղյանը, Մ. Ի. Տեր-Մինասյանը, Ա. Գ. Արարատյանը:

Բովանդակությամբ հարուստ ու ընդգրկման շրջանակներով լայն է պարբերականի հասարակական գիտությունների զանազան ասպարեզներին նվիրված նյութերի ցանկը: «Տեղեկագիր» առաջին համարներում հանդես է եկել Բ. Բ. Պիտոբովսկին. Կրթականությանը է Կարմիր բլուրում կատարված պեղումների արդյունքները: Հնագիտության առանձին հարցերին, նվիրված ուսումնասիրություններ են լույս ընծայել Լ. Մ. Մելիքսեթ-Բեկը, Ս. Վ. Տեր-Ավետիսյանը, Կ. Դաֆադարյանը, Ն. Մ. Տոկարսկին: Մեծ տեղ տալով հայ ժողովրդի պատմության ու մշակույթի լուսարանմանը, «Տեղեկագիրը» յուրաքանչյուր համարում զետեղել է անվանի գիտնականների և երիտասարդ գիտաշխատողների նորագույն հետազոտությունները, նպաստել առանձին խնդիրներին ու պրոբլեմներին գիտական լուսարանմանը, ճշտել է այս կամ այն հարցը, պարզաբանել է խնդիրներին փաստեր: Արդյունքներն աշխատակցելով պարբերականին, պրոֆեսոր Լ. Մելիքսեթ-Բեկը հրապարակել է առանձին պատմական վավերագրեր, արժարժեք չափագիտության հարցերը, վերծանել արձանագրություններ, լուսարանել է Շ. Ռուսթավելու և նրա պոեմին, Գ. Սունդուկյանի կենսագրությանը վերաբերվող մի շարք հարցեր:

Հայագիտության պատրիարքների՝ Մանուկ Աբեղյանի և Հրաչյա Աճառյանի հետ միաժամանակ, «Տեղեկագիր» առաջին տարիներին համարներում հանդես են եկել Հ. Գուլբանյանը, Ռ. Առաքելյանը, Մ. Ներսիսյանը, Ա. Երեմյանը, Գ. Ղափանցյանը, Խ. Սարգսյանը, Խ. Ղարիբյանը, Բ. Հարությունյանը, Վ. Պարսամյանը, Բ. Շելկովնիկովը, Ս. Շալչյանը և ուրիշներ: Նրանց ուսումնասիրությունների շնորհիվ պարզաբանվել են հայ մշակույթի բազմաթիվ կարևոր հարցեր, դիտականորեն հիմնավորվել են ու ճշտվել առանցքային ոչ քիչ թվով խնդիրներ:

Հայ առաջին գիտական կանոնավոր պարբերականում աստիճանաբար ամրապնդվել են այն սկզբունքները, որոնք որոշել են նրա ճիշտ դրվածքը և օրինակ հանդիսացել զուգահեռաբար և հետագա տարիներին հրատարակված գիտական մամուլի համար: «Տեղեկագիրը» համաքայլ է ընթացել կյանքի պահանջներին, ակտիվորեն միջամտել է գիտական մտքի կազմակերպմանն ու ուղղությանը, խթանել է հայագիտության առանցքային հարցերի պարզաբանմանը:

Նորաստեղծ պարբերականի համար բնորոշ է իր աշխատանքի արագ վերակառուցումը և նպատակասլաց դարձնելը Հայրենական մեծ պատերազմի տարիներին: «Տեղեկագիր» 1941 թ. № 5—6 (10—11) միացյալ համարը (160 էջ) գրեթե ամբողջապես նվիրված է երկրի և ժողովրդի առջև ծագած գլխավոր՝ հայրենիքի պաշտպանության և ազատագրության խնդրին: Ամսագրի խմբագիր Հ. Բատիկյանը հանդես է եկել «Ֆաշիստական բարբարոսների ռասայական թերության» հողվածով, Հ. Գուլբանյանը՝ ֆաշիզմի պարագլուխ Ադոլֆ Հիտլերի «Ժմ պայքարը» դրժմարդակներների գործողության ձեռնարկի համակողմանի մերկացմամբ:

Այդ համարում զետեղված Գուրգեն Հովնանի ուսումնասիրությունը նվիրված է ռուս մեծ ժողովրդի մշակույթին, Մ. Ներսիսյանը հրապարակել է 1812 թ. հայրենական պատերազմին նվիրված արխիվային մի նոր փաստաթուղթ, Վ. Պարսամյանը լուսարանել է Դենիս Դավիդովի ղլխավորությամբ մղված պարտիզանական պայքարը՝ Նապոլեոնի հորդանների դեմ: Հայ ժողովրդի ազատագրական պայքարի պատմության առանձին էջերը լուսարանելով, Բ. Առաքելյանը՝ «Հայերի ապստամբությունը արաբական լծի դեմ 703 թվին», Մ. Ներսիսյանը՝ «Դավիթ Բեկի շարժման արձագանքները Վասպուրականում և հարևան գավառներում», Աշ. Աբրահամյանի՝ «Ռուբեն-դ-դինի շախմատում», Մ. Աբեղյանը՝ «Վերածնունդը հայոց հին գրականության մեջ», Ս. Շալչյանը՝ «Դեմիկները և նրանց արջավանքները դեպի Հայաստան» թեմաներում, հայ ժողո-

վրդի հերոսական անցյալի օրինակով, համաժողովրդական պայքարի կոչ էին անում սովետական երկրի վրա արշավող ֆաշիստական զավթիչների դեմ:

Պատերազմի ամբողջ ժամանակաշրջանում «Տեղեկագրի» ղեկավար թեման եղել է ժողովրդի ազատագրական պայքարը ընդդեմ ֆաշիզմի, հանուն իր ազատության ու մեծ Հոկտեմբերի նվաճումների պաշտպանության, նրա էջերում հրատարակվել են հայ ականավոր գրողների ու մշակույթի գործիչների դիմումը արտասահմանի հայությանը, «Պրավդայի» օգոստոսի 17-ի խմբագրականը՝ «Հայ ժողովուրդը—սովետական ժողովրդի ազատագրական պատերազմի մարտական մասնակիցն է», էդ. Թոփչյանի ուսումնասիրությունը նվիրված է բոլորսովետական գրականության մեջ ֆաշիզմի դեմ մղվող պայքարի պատկերմանը, Հայ ժողովրդի ազատագրական պայքարի առանձին դրվագները և դրանց արտացոլումը Հայ դրոշմների և բանաստեղծների երկերում մեծապես խթանում էին ֆաշիզմի դեմ զոհված մարտիկների մարտական ոգու բարձրացմանը, նրան ոտքի հանում ընդդեմ սովետական բոլոր ժողովուրդների ոխերիմ թշնամու, որ շարժվում էր դեպի երկրի խորքը, դեպի Կովկասի նվաճողական շէ, որ «Տեղեկագրի» էջերում հրապարակվում են բազմաթիվ ուսումնասիրություններ՝ նվիրված Կովկասի լեռնանցքները սաստիկների կողմից պաշտպանելուն, XIX դ. վերջի և XX դ. սկզբի հայ պոեզիային, Խ. Աբովյանի ու Մ. Պեշկովյանի հայրենասիրական ոտնգծագործություններին, հայ և վրաց ժողովուրդների բարեկամությանը, հայ նետաձիգների սխրագործություններին, սովետական գրականության մեջ հերոսականության դրվագների արտացոլմանը, քրդական ֆուկլորի հայրենասիրական մոտիվներին (Ս. Նրեմյան, Խ. Սարգսյան, Հ. Գյուլիբեկյան, Ա. Ինժիկյան, Ն. Թումանյան, Ս. Շալչյան, Թ. Վարդապետյան, Հ. Ջնդի), Ոչ միայն իրենց ուսումնասիրություններով, այլև գերմանական զավթիչների դեմ մղված մարտերին անմիջական մասնակցությամբ, «Տեղեկագրին» աշխատակցող շատ հեղինակներ իրենց հայրենասիրական պարտք էին կատարում երկրի ու ժողովրդը առջև: Պարբերականի էջերում այդ տարիներին հրատարակվում են նաև արժեքավոր վավերաթղթեր, այդ թվում՝ ողբի դաշտում հերոսությամբ աչքի ընկած հայ ժողովրդի զավակների դրաոսմանը (օրինակ, Պ. Գազարյանի օրագրեր 1943 թ. № 3, Վ. Վարդանյանի օրագրեր՝ 1944 թ. № 3—4), ինչպես նաև Հայրենական պատերազմի թեմատիկայով գրված ստեղծագործությունների վերլուծություններ ու առանձին հոդվածներ՝ հայ ողբիչների և զորահրամանատարների (Ս. Ս. Մարտիրոսյան) մասին:

Կուսակցության կենտրոնական օրգանի «Պրավդայի» երեսունամյակի առթիվ կայացած դիտական սևահայի մասին հաղորդում տպագրելուց բացի, «Տեղեկագիրը» սևահայի նյութերին տրամադրել է մի ամբողջ համար (1942 թ., № 5)՝ ղեկավարելով Մ. Պետրոսյանի, Հ. Գյուլիբեկյանի, Խ. Սարգսյանի և Աս. Առատյանի ղեկավարման տեքստերը, Հայաստանում սովետական իշխանության հաստատման 20-րդ տարեդարձին է նվիրված պարբերականի 1940 թ. № 4—5 միացյալ համարը:

Հարուստ է պարբերականի գրախոսության բաժինը, «Տեղեկագրի» առաջին տարիներին հրատարակված 24 համարներում լույս են տեսել երկու տասնյակ գրախոսականներ և ընդարձակ մատենագրական տեսություններ, Ստ. Զորյանը, Արտ. Կարինյանը, Հ. Աճառյանը, Ստ. Լիսիցյանը, Լ. Տեր-Մինասյանը պարբերականում հրատարակված իրենց գրախոսականներով մեծապես նպաստել են ժամանակի դիտական ժառանգության գնահատությանը, խթանել են աշխատությունների դիտական ու տեղական մակարդակի բարձրացմանը, արժեքավոր գիտողություններով օգնել են հեղինակներին, ինչպես նաև երիտասարդ դիտական սերնդի դաստիարակությանը:

Սովետական Հայաստանում գիտության բուռն զարգացումը և դիտական կարգերի արագ աճն անհետաձգելի պահանջ էին առաջադրում ընդարձակել ակադեմիական միակ պարբերականը, լայն հնարավորություններ ստեղծել թե՛ հասարակական և թե՛ բնական գիտությունների զարգացման համար, և 1943 թ. պատերազմական ծանր ժամանակաշրջանում, ՍՍՀՄ գիտությունների ակադեմիայի հայկական ֆիլիալի «Տեղեկագիրը» սկսեց լույս տեսնել երկու առանձին (I և II) սերիաներով՝ հասարակական գիտությունների և բնական գիտությունների, յուրաքանչյուրը գրեթե նույն ծավալով և միևնույն տպաքանակով (400 օրինակ):

Ուղիված ընդհանուր «Տեղեկագրի» (էլրաբեր) երեսնամյա ուղին գրեթե նշանակում է փորձել ի մի բերելու սովետահայ հասարակական գիտությունների նվաճումներն այդ տարիներին: Պարբերականը, որը սկսած 1948 թ. (բացառությամբ 1949 թ., երբ հրատարակվեց 10 համար) լույս էր տեսնում ամեն ամիս, իր էջերում տեղ է տվել գիտությունների ակադեմիայի շրջանակներում հասարակական գիտությունների ուղղությամբ կատարված նորագույն ուսումնասիրություններին, զուգահեռաբար հրատարակելով նաև այն արժեքավոր հետազոտությունները, որ իրագործվել են

հանրապետության բուհերում և մյուս գիտական հաստատություններում, ներառյալ նաև օտարազգի հայագետների շատ հոգովածները:

Ամենից առաջ և ամենից հաճախ ամսագրի համարներում զետեղվել են հեղափոխական վերակառուցման համար, հին կարգերի գեմ հայ ժողովրդի պայքարն արտացոլող նյութերը, նրա դարավոր ազգային-ազատագրական շարժումներին նվիրված թեմաները, սովետական կարգերի հաղթանակի ու ամրապնդման, սոցիալիստական շինարարության համար ծավալած նրա բուռն գործունեությունն ու ձեռք բերած մեծագույն նվաճումներն ընդհանրացնող հետազոտությունները:

Իր ստեղծման առաջին իսկ տարիներից ամսագրում կենտրոնական տեղ է գրավել լենինյան թեմատիկան, որի լուսարանումը սկսվել է Մ. Ներսիսյանի արժեքավոր ուսումնասիրությամբ՝ «Լենինը և հայ ժողովրդի ազատագրումը» (1940, № 4—5): Հայ գիտնականները «Տեղեկագրում» (Երևան) հրատարակած իրենց ուսումնասիրություններում հանգամանորեն ու բազմակողմանի լուսարանել են մեծ Լենինի կյանքն ու գործունեությունը, նրա ուսմունքը, նրա տիտանական պայքարը նոր տիպի կուսակցության, նրա անաղարտության համար, ցարական կարգերի տապալման և աշխարհում առաջին սոցիալիստական պետության ստեղծման համար: Առանձին հոդվածներ են նվիրվել լենինյան աշխատություններին ու դեկրետներին, Լենինի զաղափարների տարածմանը հայ իրականության մեջ, նրա վճռական դերին Անդրկովկասում հեղափոխական շարժումների ծավալման, սովետական կարգերի հաղթանակի, մասնավորապես Անդրֆեդերացիայի, ապա և ՀՍՍՀ-ի ստեղծման գործում: Հատուկ հոդվածներ են հրատարակվել այնպիսի հրատապ հարցերի շուրջը, ինչպիսիք են Լենինը և Արևելքի ժողովուրդների ազգային-ազատագրական շարժումները, Թուրքահայաստանի մասին լենինյան դեկրետի նշանակությունը, ազգային շարժումների տեղն ու դերը, հայ ժողովրդի ազատագրության գործում Վ. Ի. Լենինի դերը և այլն: Մի շարք հոդվածներում ընդհանրացվել է Լենինի կերպարի արտացոլումը սովետահայ բանահյուսության, գրականության ու արվեստի մեջ: Լենինյան թեմատիկան ամսագրում զգալի տեղ է գրավել հատկապես մեծ առաջնորդի ծննդյան 100-ամյակի տոնակատարության ժամանակաշրջանում՝ սկսած 1967 թ. № 1-ից, երբ հրատարակվեց առաջին հոդվածն այդ առթիվ՝ Ներսիսյան «Երևան» այս տարվա շորորդը համարը, որն ամբողջապես նվիրված է Վ. Ի. Լենինին:

Իր գլխավոր խնդիրներից մեկը համարելով Հայաստանում հեղափոխական շարժումների, սովետական կարգերի հաղթանակի համար բոլշևիկյան կազմակերպությունների գործունեության պատմության լուսարանումը, ամսագիրը պարբերաբար գիտական հանգամանալից ուսումնասիրություններ է նվիրել ՌՍԴԲԿ Կովկասյան միության և հայ մարքսիստական խմբերի գործունեության, Ալեքսանդրապոլի բոլշևիկների պայքարին, Լոռում, Ղարսում, Հաղպատում, Նոր Բայազետում, Ղազախ-Շամշադինում, Ջանգեզուրում ծավալված հեղափոխական շարժումներին, հայ աշխատավորության մղած դասակարգային կռիվներին: Մեծ տեղ են գրավել հեղափոխական շարժումներին, մասնավորապես Հոկտեմբերյան մեծ հեղափոխությանը, և Հայաստանում նրանց արձագանքներին նվիրված թեմաները, ինչպես և Անդրկովկասում և Հայաստանում սովետական կարգերի հաղթանակը լուսարանող հոդվածները, այդ թվում Բաքվի, Բրիլիսիի և Բաթումի պրոլետարիատի մղած պայքարը գիտականորեն ընդհանրացնող նյութերը:

Հայ ժողովրդի լենինյան-հեղափոխական սերնդի գործունեության լուսարանումը մշտապես աչքի ընկնող տեղ է գրավել «Տեղեկագրի» («Երևան») էջերում: Ալ. Մյասնիկյան, Ստ. Ծահույան, Ս. Սպանդարյան, Բ. Կնունյանց, Կամո (Ս. Տեր-Պետրոսյան), Ի. Լալայանց, Վ. Կասսարով, Ս. Կասյան, Ա. Մուսվյան, Բ. Ղարիբջանյան, Ստ. Ալավերդյան, Ա. Ծահինյան, Ա. Ամիրյան, Մ. Մելիքյան, Ա. Վերմիշև, Ար. Հովսեփյան, Ի. Լալայան, Ս. Լուկաշին, Ար. Մելիքյան, Գ. Խախանյան, Հ. Բժշկյան (Գայ), Գ. Հովսեփյանց, Հով. Սարուխանյան, Բաքվի 26 կոմիսարներ, — ահա ոչ լրիվ ցանկն այն հեղափոխական գործիչների, որոնց կյանքին ու գործունեությանը նվիրված հետազոտություններ են լույս տեսել ամսագրի էջերում: Ամսագիրը մասնավորապես մեծ թվով նյութեր է հրատարակել նվիրված աննկուն լենինյան Ստեփան Ծահույանին՝ ընդգրկելով նրա ամբողջ կյանքն ու գործունեությունը՝ սկսած նրա վաղ շրջանի հեղափոխական քայլերից մինչև նրա հերոսական մահը: Տարբեր տարիներ գիտական հոդվածներ են նվիրվել Ծահույանի հայացքներին, նրա պայքարին՝ լենինյան տակտիկական գծի, բոլշևիկյան կուսակցության անաղարտության համար, նրա դերին Անդրկովկասում և Հայաստանում հեղափոխական շարժումների ծավալման գործում, նրա հայացքներին հայ ժողովրդի պատմության մասին, ազգային ծրագրի ու պետության շուրջը, նրա կյանքին ու գործունեության առանձին բնագավառներին:

«Տեղեկագրի» («Երևան») գրեթե ամեն համարում զետեղվել են նյութեր՝ նվիրված կոմունիստական շինարարության համար հայ ժողովրդի մղած պայքարին, Դա է եղել ամսագրի զբաղմունքը:

խաղճը թեման, Պատկանելի է սովետական տարիներին հայ ժողովրդի ձեռք բերած նվաճումներն ընդհանրացնող ամսագրի նյութերի ցանկը, որով կարելի է գրեթե ամբողջական պատկերացում չափել վերջին հիստուն տարիներին հայ ժողովրդի անցած ուղու մասին, ՀՍՍՀ ծաղկման ու բառ-դավաճման մասին, այն աննախագեղ վերելքի սասին, որ ապրել է սոցիալիստական հայ ազգը սովետական կարգերի շնորհիվ՝ բոլոր ասպարեզներում։ Առանձին ղեկավարում, օրինակ՝ Սովետական Հայաստանի 25-րդ և 40-րդ տարեգարծների աթիվ, ամսագրի խմբագրությունը այդ թեմաներին է հատկացրել ամբողջական համարներ՝ դրանք հրատարակելով շքեղ, սովորականից ավելի մեծ ծավալով ու տպարանակով։ Ավագ սերնդի գիտնականների և երիտասարդ գիտաշխատողների շտաբներով ընդհանրացվել է սոցիալիստական շինարարության փորձը, ամփոփվել ու դիտարկումն պատշաճ մակարդակով լուսարանվել են ժողովրդական տնտեսության ու մշակույթի տարրեր ընդհանրացնող, մասնավորապես արդյունաբերության, գյուղատնտեսության և կուլտուրական շինարարության ընդհանրացում Հայկական ՍՍՀ-ի աշխատավորության ձեռք բերած նվաճումները, Այդ նյութերն ամբողջությամբ վերցրած տալիս են հանրագումարն այն հերոսական ուղիքների, որ մղել է հայ ժողովուրդին իր զարգացման ու վերածննդի համար՝ կոմունիստական կուսակցության ղեկավարությամբ, սովետական կարգերի ընձեռած պայմաններում։

Ամսագիրն իր լուրջ ավանդել է ներդրել Սովետական Հայաստանի պատմության, մեր հանրապետությունում սոցիալիստական շինարարության ընթացքը սխտեմավորված լուսարանելու և ընդհանրապես իր դրժում, «Տեղեկագիրն» է փաստորեն առաջին անգամ սկսել ակնարկների ձեռք հրատարակել (1950 թ.) Սովետական Հայաստանի երեսունամյա սոցիալիստական ուղին լուսարանող նյութեր, «Սովետական իշխանության հաղթանակը Հայաստանում», «Սովետական Հայաստանը ժողովրդական տնտեսության վերականգնման և խաղաղ աշխատանքներին անցնելու սկզբնական շրջանում (1921—1922 թթ.)», «Սովետական Հայաստանը երկրի ինդուստրացման համար մղվող պայքարում», «Սովետական Հայաստանը սոցիալիզմի հաղթանակի ժամանակաշրջանում», «Սովետական Հայաստանը գյուղատնտեսության կոլեկտիվացման համար մղվող պայքարի ժամանակաշրջանում (1930—1934 թթ.)», «Հայկական ՍՍՀ-ի ժողովրդական տնտեսության երկրորդ հնգամյակի առաջին տարիներին (1933—34 թթ.)», «Սովետական Հայաստանը 30 տարում» ուսումնասիրությունների հրատարակումը, իսկ այնուհետև դիտարկումն արվածները մեծապես նպաստեցին Սովետական Հայաստանի պատմության ստեղծմանը։

Ամսագրում բիշ նյութեր չեն հրատարակվել Հայաստանի կոմկուսի բուն գործունեության, նրա ղլխավորած պայքարի պատմության մասին՝ առանձին ժամանակաշրջաններում։ Գիտական հասուկ ուսումնասիրության նյութ են դարձել նրա գործունեությունը հանրապետության առաջին տնտեսական շրջանների արդյունաբերության ու գյուղատնտեսության զարգացման, հանրապետության ինդուստրացման, տեխնիկական առաջադիմության, սոցիալիստական մրցության ծավալման, կարգերի դաստիարակության ու պատրաստման, սովետահայ մտավորականության հոծ բանակի ստեղծման, ժողովուրդների բարեկամության ամրապնդման, կուսակցության միասնությունն ու նրա գծի պաշտպանության ուղղությամբ։ Հայաստանի կոմկուսակցության փաստաթղթերը ամսագրի էջերում լայն մեկնարանություն ստանալով, գիտական շրջանառության մեջ են դրվել, նպաստել գիտա-հետազոտական աշխատանքների մակարդակի բարձրացմանը։

«Տեղեկագիր» (սկզբներ) էջերում պատշաճ տեղ են գրավել աշխատավորության ինտերնացիոնալ դաստիարակությունը, ՍՍՀՄ ժողովուրդների բարեկամության ամրապնդմանը նվիրված ուսումնասիրությունները։ Նրա մշտական բաժիններից մեկն էր ժողովրդական հանրապետությունների համար, որտեղ պարբերաբար նյութեր էին հրատարակվում վրաստանի և Ադրբեջանի գիտական հաստատություններում կատարվող գիտա-հետազոտական աշխատանքների, ներառյալ գործունեության, ուսումնական ժողովրդի, ադրբեջանցի և հայ ժողովուրդների հեղափոխական պայքարի, սոցիալիստական շինարարության ասպարեզում ձեռք բերած նվաճումների մասին։ Մասնավորապես ամսագրի էջերում ուսումնասիրություններ են ղեկավարվել հայ ժողովրդին մյուս ժողովուրդներից ծուլց տված եղբայրական օգնության մասին, նրանց համատեղ մղած պայքարի, սոցիալիստական ազգերի կազմավորման, տնտեսական, քաղաքական ու մշակութային համագործակցության, Արևելյան Հայաստանի Ռուսաստանին միանալու պատմական նշանակության, պրոլետարական ինտերնացիոնալիզմի մասին։ Բազմաթիվ նյութեր են ղեկավարվել Անդրֆեդերացիայի Սովետական Ռուսաստանի, հայ-ուկրաինական կապերի, Բելոռուսիայի, Ադրբեջանի ու վրաստանի մասին, ինչպես նաև մյուս ժողովուրդների, մասնավորապես ուսումնական մեծ ժողովրդի հետ հայ ժողովրդի ունեցած պատմական կապերի մասին։ Մի շարք նյութերում վեր են հանվել ժողովուրդների բարեկամության ամրապնդման ուղղությամբ կուսակցության մղած պայքարը և գիտաշխա-

ս.ողների ուշադրությունը սրվել է այդ թեմատիկայի բազմակողմանի ուսումնասիրության անհրաժեշտության վրա:

Պարբերաբար հրատարակվող նյութերով ամսագիրը մշտապես պայքարել է բուրժուական գաղափարախոսության դեմ, մերկացրել է մարքսիզմ-լենինիզմի տեսությանը հակոտնյա հին ու նոր գաղափարախոսությունները, դաշնակցության հակահեղափոխական գործունեությունը, պայքարել է թշնամական իդեոլոգիայի դրսևորումների դեմ:

Սկզբից ի վեր ամսագրում պատմագիտական թեմաները բնականաբար մեծ տեղ են զբաղեցրել: Այդ թեմայով հրատարակված հոդվածներն ու հաղորդումներն ընդգրկում են հայ ժողովրդի անցած բազմադարյան ուղու հանգուցային հարցերը՝ լուսաբանված մարքսիստական-լենինյան տեսության ոգով, նոր փաստերի հիման վրա ու նոր մոտեցումով: Այս գործում մեծ լուծա են ներդրել հատկապես երիտասարդ պատմաբանները, որոնք իրենց առաջին հետազոտությունները հրատարակել են «Տեղեկագրում» և որոնցից շատերն այսօր անվանի գիտնականներ են:

Կենտրոնական տեղը պատմագիտական թեմաների շարքում պատկանում է ազատագրական պայքարի հարցերին, նրա առանձին էտապներին նվիրված նյութերին, հայ հասարակական մտքի զարգացումը լուսաբանող հոդվածներին ու ուսումնասիրություններին: Որպես կանոն հրատարակելով նոր նյութերի հիման վրա գրված միայն նոր հետազոտություններն, ամսագիրը մեծապես նպաստել է այն բանին, որ տարեցտարի ավելի խորացվի ու բազմակողմանի դարձվի հայ ժողովրդի պատմության հանգուցային հարցերի մարքսիստական ուսումնասիրությունը:

Ամսագիրը բազմիցս անդրադարձել է հայկական հարցին՝ լուսաբանելով տարբեր տեսանկյունից, գյուղացիական ապստամբություններին, արևմտահայ ազատագրական շարժումներին, Զեյթունի 1862 թ. և Սասունի 1894 թ. ապստամբություններին, պալիկյան և թոնդրակցիների շարժումների գաղափարախոսությանը, 451 թ. ապստամբությանը, արևատահայության մասնակցության հարցերին բռնակալական, ֆեոդալական-ճորտատիրական լուծը տապալելու համար, հատկապես թուրքական ղեսպոտիզմի դեմ ծավալված պայքարին: Մասնավորապես զգալի տեղ է հատկացվել հայկական գյուղում ծավալված դասակարգային պայքարին, գյուղացիական ռեֆորմներին, ինչպես և աշակերտական-երիտասարդական շարժումներին: Ըստ որում, ազատագրական բուն պայքարի էջերը լուսաբանելուն զուգընթաց ամսագրում արծարծվել են նաև հասարակական հոսանքների պատմությունը, քաղաքական ուղղությունները:

Հատուկ ուշադրություն է դարձվել պատմագիտության հանգուցային հարցերին: Ամսագրի էջերում քննարկվել են հայ ժողովրդի պատմության պարբերացման հարցերը, Հայաստանի հասարակական կառուցվածքի հիմնական առանձնահատկությունները՝ տարբեր էպոխաներում, նրա պատմության առանձին շրջանների ուսումնասիրության խնդիրները, հայ հասարակական մտքի հիմնական ուղղությունները՝ զուգահեռաբար հրատարակելով այն նորագույն կոնկրետ հետազոտությունները, որոնք նպաստում էին արծարծվող այդ հարցերի լուծմանը: Առանձին ուսումնասիրություններում ի մի են բերվել սովետահայ պատմագրության նվաճումները, խմբագրականներ են նվիրվել պատմագրության հրատապ խնդիրներին, հրատարակվել են հայ ժողովրդի պատմության որոշ հատվածներ:

Արտացոլելով հայ ժողովրդի պատմության ուսումնասիրության ընդլայնման ու խորացման պրոցեսը, ամսագիրը մեծ թվով նյութեր է հրատարակել Հայաստանի և հայաշատ առանձին եղանակների, շրջանների, գավառների ու տեղավայրերի պատմության վերաբերյալ (Վասպուրական, Ձորք-Կապան, Գյանջա, Շուշի, Երզնկա և այլն): Այդ իմաստով ակնառու է այն հսկայական ուշադրությունը, որ դրսևորվել է դեպի հայ գաղթավայրերի պատմության ուսումնասիրությունը և որն իր արտացոլումն է գտել նաև ամսագրում: Նրա տարեգրքերում բազմաթիվ հետազոտություններ կարելի է գտնել նվիրված Աստրախանի, Ն. Նախիջևանի, Ստանիսլավի, Զոլոչևի, Ղերմի, Լվովի, Բուդապեշտի, Գրիգորիոպոլի, Նոր Զուղայի, Լեհաստանի ու Մոլդավիայի, Բեսարաբիայի ու Բուդապեշտի և ուրիշ վայրերի հայկական գաղութների պատմությանը, մշակութային կյանքին, հասարակական կացությանը և այլ հարցերին:

Հայ ժողովրդի պատմության հանգամանալից ուսումնասիրության գործում կարևոր տեղ ու նշանակություն են ունեցել մեր պատմաբանների, պատմական անձնավորությունների, ժողովրդի պատմության մեջ դեր խաղացած գործիչների, հասարակական հոսանքների ներկայացուցիչների կյանքի ու գործունեության գնահատությունները նվիրված նյութերը, նրանց ժառանգության վերահանումը, վերաբրժանվողումը, նրանց հետ առնչվող հարցերի պարզաբանումն ու ճշգրտումը «Տեղեկագրի» («Լրաբեր») էջերում:

Հայ պատմական-ականավոր գործիչների նորեկաններից զատ, երբ առանձին նյութեր, նույնիսկ ամբողջական համարներ են նվիրվել (օրինակ՝ Մ. Նալբանդյանին, Մ. Մաշտոցին), ամսագիրը նրանց անդրադարձել է պարբերաբար՝ ամեն անգամ նոր լույս սփռելով այս կամ այն գործի գործունեությանն առնչվող որևէ հարցի վրա, Դեռևս իր անդրանիկ համարում «Տեղեկագիրը» զետեղելով Մովսես Խորենացուն նվիրված Ստ. Սալիսյանի դասախոսությունը, հետագայում տեղ տվել նաև Ն. Տեր-Մինասյանի ու Ստ. Մախասյանի և Լ. Մելիքսեթ-Քեկի ու դարձյալ Ստ. Մախասյանի դիալոգներին, ապա և Մովսես Խորենացու «Հայոց պատմությանն» առնչվող հարցերին անդրադարձել հետագա տարիներին (1941, 1943, 1956, 1958 թթ.):

Առավել հետևողականորեն է ամսագիրն անդրադարձել Միքայել Նալբանդյանի կյանքին ու գործունեությանը, նրա հարուստ ժառանգության ուսումնասիրությանը, լայնացների մեկնաբանությանը (1940 թ. № 1—2-ում Միքայել Նալբանդյանին նվիրված երկու ուսումնասիրություններով փաստորեն սկսել է այն նշանակալից ներդրումը, որ վիճակված էր կատարելու «Տեղեկագիրն» («Լրագիր») նալբանդյանադիտության ասպարեզում: Սովետահայ պատմաբանների ու դրականադիտների այն նյութերը, որոնք հրատարակվել են ամսագրում, նվիրվել են Նալբանդյանի պոեմներին, մատերիալիստական փիլիսոփայական հայացքներին, նրա առանձին երկերին, բնագիտական աշխարհայեցողությանը, ծավալած ազատագրական պայքարին, կյանքին ու գործունեությանը, ինչպես նաև երկերի հասարակական արձագանքներին, անհայտ երկերին, նրա շուրջը մղված պոլեմիկային, նշանավոր աշխատություններին, նրա զինակիցներին, Նալբանդյանին վերաբերող նորահայտ նյութերին և այլն:

Հայ ժողովրդի պատմության հարցերը լուսաբանելուն զուգընթաց ամսագիրը նկատելի տեղ է ատկացրել նաև այն պատմական առնչակցություններին, որ նա ունեցել է հարևան ժողովուրդներին ու երկրներին հետո: Մասնավորապես նա զգալի դեր է կատարել արևելագիտական ընդհանուր և մասնավոր հարցերին նվիրված սովետահայ պատմաբանների ուսումնասիրությունները հրատարակելու գործում, բազմիցս անդրադարձել է արևելքի ժողովուրդների ազատագրական պայքարին, մարտիստական-լենինյան տեսության լույսի տակ արծարծել է Թուրքիայի, Իրանի, Սիրիայի, Լիբիայի և արաբական այլ երկրների պատմության մի շարք հարցերը, մանավանդ այդ երկրներին և Հայաստանի պատմական առնչակցությունները, գիտական քննադատություն է ծավալել առանձին հարցերի խնդիրներումների դեմ՝ բուրժուական պատմաբանների երկերում: Ամսագիրը առաջ է անդրադարձել թուրքական բռնատիրության դեմ հայ ժողովրդի մղած դարավոր պայքարին, մերկացրել է թուրք ցեղասպանների ոճրագործ քաղաքականությունը հայության դեմ, սովետական Թուրքիայի զավթողական գործողությունները հարևան ժողովուրդների, մասնավորապես անդրկովկասյան ժողովուրդների նկատմամբ:

Պարսից դրականության սկզբնավորման ու դարդացման ուղու, Թուրքիայի պատմության առանձին էտապների, անդյու-ամերիկյան զաղութարարների Մերձավոր Արևելքի երկրներում վարած քաղաքականության, այդ երկրների պատմության մի շարք հարցերի, մասնավորապես աղջային-աղատագրական շարժումների մասին բազմաթիվ հոդվածները, որոնց հեղինակները գերազանցապես սովետահայ արևելագետներն են, նկատելի տեղ են զբաղեցրել ամսագրի էջերում և նպաստել են շոշափվող հարցերի դիտական լուսաբանմանը:

Իր հրատարակած հոդվածներով և բազմաթիվ նյութերով «Տեղեկագիրը» («Լրագիր») օգնել է արևելագիտական հիմնական ուղղությունների և մասնավորապես քաղաքականության զարգացմանը Սովետական Հայաստանում, լուսաբանել է ոչ միայն ՀՍՍՀ-ում բնակվող քրդերի, այլև առհասարակ բուրժ ժողովրդի պատմության շատ հարցեր:

Ինչպես պատմագիտության հարցերը լուսաբանելիս, այնպես էլ հայագիտության տարբեր բնագավառներում կատարվող դիտա-հետազոտական աշխատանքները հրատարակելիս ամսագիրը պատիվ դերում չի զտնվել, չի բավարարվել լոկ այս կամ այն ուսումնասիրությունը լույս բնծալելով, նույնիսկ միևնույն թեմային նորից ու նորից անդրադառնալով: Ամսագրի խմբագրությունը կազմակերպել է մտքերի փոխանակություն, հաճախ հրատարակել է գիտնականների նամակները: Ճշգրտումներ է կատարել զանազան հարցերում, ամփոփել է մաքրի փոխանակությունը: Ամսագրի 1951 թ. 8-րդ համարում բացված դիսկուսիան՝ հայ ժողովրդի ֆեոդալական շրջանի պատմության պարբերացման հարցերի շուրջը և 1955 թ. № 12-ում սկսված X—XIV դդ. Հայաստանի սոցիալ-տնտեսական վիճակի մասին մտքերի փոխանակությունը լայն արձագանք է գտել ու հետաքրքրություն առաջացրել գիտնականների շրջանում: Դիսկուսիայի և մտքերի փոխանակության ընթացքում հրատարակված նյութերն, անշուշտ, նպաստել են արժանի ուղի հարցերի պարզաբանմանը, խթանել են պատմագիտական մտքի աշխուժացմանն ու զարգացմանը:

Այն գիտությունների թվում, որոնք ներկայացվել են ամսագրի առաջին համարներում, իր տեղն ունեն հաճախում էին հնագիտությունը, Դա պայմանավորվել է այն հանգամանքը, որ յուրաքանչյուր տարի ներառում ամփոփվել են հնագիտական պեղումների արդյունքները, ղեկավարվել նորագույն հետազոտությունները՝ ի սկզբանե հաշվառելով պատկերազարդումներով, գծագրերով, լուսանկարներով:

ՀՍՍՀ գիտությունների ակադեմիայի ստեղծումից հետո, հնագիտական աշխատանքների ծավալման զուգընթաց, ամսագրում բնականաբար ավելի ու ավելի մեծ տեղ են զբաղվել հայ ժողովրդի նյութական մշակույթին, կատարվող պեղումներին և նոր հայտնագործություններին՝ նվիրված նյութերը, որոնցով հանդես էին գալիս ոչ միայն երիտասարդ, այլ նաև հայտնի հնագետները: Վերջին քսան տարում ամսագրում հրատարակվել են շուրջ 150 ուսումնասիրություններ հնագիտական և ազգագրական թեմաներով: Դրանք հայտնի չափով ուրվագծում են այն հիմնական ուղին, որ անցել է հասարակական գիտության այդ բնագավառը մեր հանրապետությունում, նրանց թվում դառնի տեղ են զբաղվում հնագիտական պեղումների արդյունքներին նվիրված նյութերը, նորահայտ արձանագրությունների մեկնաբանությունները:

Բավականաչափ հարուստ է այն տեղավայրերի քարտեզը, որտեղ կատարված հնագիտական աշխատանքների կամ դրանց շրջանում հայտնաբերված նյութերի մասին ուսումնասիրություններ են հրատարակվել «Տեղեկագրում» (եղբարեք)։ Թեյքեթի, Արինքերդ, Դվին, Սևանի լճի և ավազան (ներառյալ նաև Գեղամա լեռներ), Լենինական, Գռնի, Բջնի, Կիրովական, Լճաշեն, Նոր-Արեշ, Մրեն, Աղավնաձոր, Վարդաքար, Իջևան, Սիսււվան, Դիլիջան, Հացավան, Նոր Բայազետ, Պեմզաշեն, Շամշադին, Տաշիր-Ձորագետ, Շիրակ, Զովունի, Զավարի, Զավախք, Աստղաբուր, Նոյեմբերյան և այլն: Ամսագիրը բազմիցս անդադարձել է ուրարտագիտության հարցերին, ուրարտական մշակույթին, տեղ է տվել հին և միջնադարյան պատմական հուշարձաններին՝ Դվինի կաթողիկե եկեղեցուն, էշմիաժնի տաճարին, Զվարթնոցին, Սիսավանի պատկերաքանդակներին, Մեղրու բերդին, Ավանի մայր տաճարին նվիրված նյութերին, Լոր, Արագած գյուղերում և Ցամաքաբերդում կատարված հնագիտական աշխատանքներին, նրա էջերում արժարժվել են Զվարթնոցի վերակազմության հարցերը, Առանձնակի ուշադրություն է դարձվել Երևան-Երեբունի հնադարյան պատմությանը, ինչպես և պալեոլիթային շրջանի ուսումնասիրությանը, Հաճախակի ուսումնասիրություններ են լույս տեսել ազգագրական թեմատիկայով՝ հայ ժողովրդի կենցաղի, սովորույթների, հավատալիքների, արտադրական գործունեության, տարազի, հնագույն արվեստի շուրջը:

Հնագիտական նյութերի շարքում առանձնահատուկ տեղ են զբաղվում այն ուսումնասիրություններն ու հրապարակումները, որոնցում վեր են հանվել հայ ժողովրդի հոգևոր դանձրը, հին ձեռագրերը, զանազան հիշատակություններն ու արձանագրությունները, Այդ նյութերի շնորհիվ գիտական հիմնավորում են ստացել հայագիտական շատ հարցեր, գիտական շրջանառության մեջ են դրվել բազմաթիվ հետաքրքրական նյութեր, վեր են հանվել շատ նոր փաստեր, վկայություններ, Դրանք մեծ մասամբ ուղեկցվել են պատկերազարդումներով, որի շնորհիվ զարեք շարունակ դրա պահպանումը պարփակված տասնյակ մանրանկարներ, զարդանախշեր, գլխագրեր բազմաթիվով մատչելի են դարձել հետազոտողներին, դադարել են «մեռյալ գանձ» լինելուց:

40—50-ական թվականներին՝ գրեթե երկու տասնամյակ «Տեղեկագիրը» եղել է հայերեն լեզվով լույս տեսնող հասարակական գիտությունների միակ պարբերականը: Այդ հանգամանքը պայմանավորվել է նրա բովանդակությամբ՝ ոչ միայն գիտությունների ակադեմիայի սիստեմում, այլև ամբողջ հանրապետությունում կատարվող գիտական ուսումնասիրությունները հրատարակելու իմաստով: Դա առավել մեծ չափով վերաբերում է տնտեսագիտական թեմատիկային, որն ամսագրում զգալի տեղ է զբաղվում առ այսօր, Բնորոշել այդ թեմատիկայում հանրապետության ժողովրդական տնտեսության զարգացման խնդիրներին նվիրված ուսումնասիրություններն են և գյուղատնտեսության ու արդյունաբերության ասպարեզում ձեռք բերված նվաճումների գիտական ընդհանրացումը: Ամսագրի հրատարակած տասնյակ նյութերը նվիրված են կոնկրետ էկոնոմիկային, ժողովրդական տնտեսության այս կամ այն բնագավառի հրատապ խնդիրներին: Հողատարածությունների յուրացում, հնգամյակի տարիների տնտեսագիտական խնդիրներ, ոռոգման սիստեմ, առանձին տնտեսական շրջանների գիտական բնութագրություններ (Գարալաղյաղ, Արա-րատյան դաշտավայր, Զանգեզուր, Երևան քաղաք, Սևանի ավազան և այլն), մեքենա-տրակտորային կայաններ, ներգործարանային տնտեսություն, հիմնական ֆոնդեր, կոլտնտեսային արտադրություն, տրանսպորտ և երկաթուղային տնտեսություն, արտադրական կարողությունների օգտագործում, մետաղամշակություն, էլեկտրատնտեսություն, արտադրության միջոցների արտադրություն, արհեստագործական կոոպերացիա, մեքենաշինություն, հաստոցաշինություն, հիմնական

Ֆոնդերի բարոյական մաշվածություն, կապիտալ ներդրումների տեսական հարցեր, ընդլայնված վերարտադրություն, դյուղատնտեսական աշխատանքների և արտադրական պրոցեսների մեքենայացում, աշխատանքի վարձատրություն և արտադրողականություն, ինքնարժեք, սովխոզային տնտեսություն, պտղաբուծություն և խաղողագործություն, շինարարական արդյունաբերություն, հողօգտագործում, աշխատանքի էներգիանվածություն, աշխատանքային ռեսուրսներ և բանվորական ուժ, արտադրողականության բարձրացում, տեխնիկական առաջադիմություն, կադրերի պատրաստում, նյութական շահագրգռվածություն, տնտեսական ռեֆորմ,— ահա այն տնտեսագիտական պրոբլեմների ոչ լրիվ ցանկը, որոնք արժարժվել են ամսագրում զետեղված նյութերում։ Դրանց մեծ մասում գիտականորեն հիմնավորված հանձնարարականներ են տրվում կամ էլ ամփոփվում են տվյալ ընդհանուր տնտեսական նվաճումները և արվում գիտական ընդհանրացումներ։

Առանձնահատուկ ուշադրություն է դարձվել գյուղատնտեսության էկոնոմիկային, որին նվիրված նյութերն աչրի են ընկնում թե՛ իրենց բազմաղանկային և թե՛ նպատակասլացությամբ։ Սոցիալիստական գյուղատնտեսության տնտեսագիտական հարցերի մասին որոշակի դադափար են տալիս թեկուզ ուսումնասիրություններից մի քանիսը։ «Կոլտնտեսություններում սոցիալիստական ընդլայնված վերարտադրության մասին» (1956, № 7), «Կոլտնտեսություններում աշխատանքի վարձատրման մի քանի հարցերի մասին» (1958, № 2), «Կոլտնտեսային արտադրանքի ինքնարժեքը հաշվարկելու մասին» (1959, № 3), «Աշխատանքի հաշվառման և վարձատրման նոր ձևերը կոլտնտեսություններում» (1959, № 4), «Հյուսիս-արևելյան Հայաստանի սովխոզների արտադրական զործունեության հիմնական ցուցանիշները» (1959, № 9), «Արարատյան դաշտավայրի կոլտնտեսությունների էկոնոմիկայի և գյուղատնտեսության մասնագիտացման զարգացման մի քանի խնդիրներ» (1959, № 10), «Պտղա-այգեգործական սովխոզների զարգացման հեռանկարները» (1960, № 1), «Հողային ռեսուրսների ուղղորդումն օգտագործման մի քանի հարցեր» (1961, № 8), «Աշխատանքային ռեսուրսների և բանվորական ուժի վերարտադրության մի քանի հարցերը Հայաստանի գյուղատնտեսության մեջ» (1961, № 11), «Գյուղատնտեսական հումքի արդյունաբերական արտադրանքի աճման ուղիները» (1962, № 12), «Նյութական շահագրգռվածության բարձրացումը գյուղատնտեսական արտադրության մեջ» (1963, № 9) և այլն։

Կոնկրետ էկոնոմիկայի հարցերին զուգընթաց ամսագրում լուրջ տեղ են գրավել նաև հայ առևտրագիտության պատմությունը, նրա տեսական հարցերը, հայ տնտեսագիտական մտքի ընթացիկ դրությունը։ Լուսաբանվել են Հայաստանում կապիտալիզմի ընդհանուր ընթացքը և նրա հակասություններն ու առանձնահատկությունները, հայկական գյուղի սոցիալ-տնտեսական փոխհարաբերությունները, ասետրի և այլ հարցերի ընթացքը, ամսագրի էջերում 1955 թ. բացվել է մտքերի փոխանակություն Հայաստանի սոցիալ-տնտեսական զարգացման հարցերի շուրջը, որին մասնակցել են նաև շատ տնտեսագետներ։

Իր հիմնական նպատակադրումը համարելով սոցիալիստական շինարարության տնտեսագիտական խնդիրների լուսաբանումը, վերջին տարիներին «Էրաբերն» ուշադրության կենտրոնում է պահում նոր տնտեսական ռեֆորմի իրադրությունը, արդյունաբերության ու գյուղատնտեսության մեջ նոր մեթոդների կիրառման խնդիրները, մասնավորապես գիտականորեն հիմնավորված պլանավորման հարցերը։ Այդ թեմատիկայով հրատարակված մի շարք հոգվածներում ընդհանրացվել է հանրապետության արդյունաբերական ձեռնարկությունների և կոլտնտեսությունների զործունեությունն ու փորձը, զործնական առաջարկություններ են արվել այդ ասպարեզներում տնտեսական օրգանների զործունեությունը բարելավելու մասին։

Հայոց լեզվի, ինչպես և ընդհանուր լեզվաբանական հարցերի ուսումնասիրության ուղղությամբ սովետահայ լեզվաբանները մեծ նվաճումներ են ձեռք բերել։ Այդ նվաճումները հայտնի չափով իրենց արտացոլում են գտել նաև այն ուսումնասիրություններում, որոնք հրատարակվել են ամսագրի ճրեստին տարվա համարներում։ Այդ նյութերին բնորոշը հայոց լեզվի, նրա քերականական կառուցվածքի ուսումնասիրության հետագա խորացումն է, որն ընթացել է ինչպես ընդհանուր լեզվաբանության, այնպես էլ հայ ականավոր լեզվաբանների ու քերականագետների ստեղծած ամուր հիմքի վրա՝ մարքսիստական մեթոդոլոգիայի կիրառմամբ։

Ամսագրին առավելագույն ուշադրություն է դարձրել ժամանակակից հայոց լեզվի ուսումնասիրությանը։ Գրական հայերենին նվիրված հոգվածներում հատկապես ընդհանրացվել է նրա զարգացման ուղին սովետական տարիներին, արժարժվել են բառապաշարի և քերականության հարցերը, ուսումնասիրվել են խոսքի մասերը, շարահյուսական կառուցվածքը։ Հատուկ տեղ է տրվել սերմնաբանության խնդիրներին՝ թե՛ առանձին ընդհանրացումների (աստղագիտական, լեզվաբանական, տնտեսագիտական և այլն) և թե՛ ընդհանուր տերմինալոգիայի առումով։ Տասնյակ հոգ-

վածներն են նվիրվել լեզվական երևույթներին. նախադասության կառուցվածքի հարցերին, շարահյուսությանն ու ոճաբանությանը, հնչյունական համակարգին, մասնավորապես խոսքի մասերին. նախադասության անդամներին ու տեսակներին:

Արդի հայերենի գիտական ուսումնասիրության ընթացքն արտացոլելու հետ մեկտեղ ամսագիրը տեղ է տվել հին հայերենին՝ զրաբարին նվիրված հետազոտություններին, նրա կազմավորումը, հոլովական սիստեմը, փոխհարաբերությունը գրական հայերենի հետ ուսումնասիրվել են ամսագրի էջերում տեղ գտած շատ հոդվածներում:

Սովետական տարիներին բուռն զարգացում ապրած և լայն ծավալ ստացած բարբառագիտությունն ամսագրում սկսվել է լուսարձակվել առանձին գրողների երկերում բարբառային երևույթների դրսևորումների քննարկումներով: Բարբառների ուսումնասիրման մեթոդական հարցերին, դասակարգման սկզբունքներին, նրանց զարգացման ներքին օրինաչափություններին նվիրված ելակետային մի քանի հոդվածներից հետո ամսագիրը հրատարակել է առանձին բարբառների ու ենթաբարբառների քննությանը նվիրված բազմաթիվ նյութեր: Մշո, Կեսարիայի, Թիֆլիսի, Կրուզենի, Կարճևանի, Կաթավաբերդի, Մալաթիայի, Սվեգիայի, Բուրդուրի, Արարատյան, Ողմի, պոլսահայ, Ղարաբաղի, Արդվինի, Քանաքեռի բարբառներին նվիրված ուսումնասիրությունները՝ բարբառագիտության ընդհանուր խնդիրներն արծարծող հոդվածների հետ միասին նպաստել են լեզվաբանության այդ կարևոր ասպարեզի դիտական լուսարանմանը:

Ամսագրի էջերում հրատարակված շատ հոդվածներում քննարկվել են հայոց լեզվի ազգակցության հարցերը և նրա կրած ազդեցությունները մյուս լեզուներից (կովկասյան լեզուներ, ռուսերեն, գերմաներեն, պարսկերեն, արաբերեն, պեղագերեն, հին մակեդոներեն, խեթերեն և այլն), մասնավորապես բացահայտվել ու ստուգաբանվել են հայերենի հնդեվրոպական բազմաթիվ արմատները: Մի շարք նյութերում ամսագիրն անդրազարծել է բառարանագրության հարցերին, ներկայացրել մեր բառարանագրության հարուստ գանձերը, ինչպես նաև ականավոր լեզվաբանների (Ն. Մառ, Ս. Արեղյան, Հ. Աճառյան, Պ. ՀովնաՆյան և այլն) լեզվագիտական ժառանգությունը, վերլուծել գրողների ստեղծագործությունների լեզուն կամ նրանց լեզվագիտական հայացքները (Խ. Աբովյան, Հր. Քոչար, Գ. Սոմդուկյան, Հովհ. Բումանյան, Ավ. Իսահակյան, Սայաթ-Նույա, Ե. Չարենց, Հ. Ծիրաղ, Պ. Սևակ): Մի շարք դեպքերում խմբագրությունը հոդվածները տպագրել է մտքերի փոխանակության կարգով, հրավիրելով լեզվաբաններին հանգես դալու արծարծվող հարցերի շուրջը, երբեմն տեղ է տվել այն հոդվածներին, որոնց մեջ քննադատվել են ամսագրում զետեղված այս կամ այն հոդվածի սխալ դրույթները, թույլ տված անճշտությունները լեզվի հարցերում:

Ամսագիրը իր գետնգած նյութերով երբեմն որոշակիորեն միջամտել է լեզվական առանձին հարցերի գործնական լուծմանը (օրինակ Քառային փոխառությունների և լեզվի մաքրության մասին, «Վերականգնել լեզվիսն նորմաները լեզվի հարցերում», տերմինաբանական հարցերին նվիրված նյութերը և այլ հոդվածներ):

Լեզվաբանության հարցերի լուսարանում, քննականաբար, ուղեկցվել է լեզվի պատմությանը, նրա առանձին հարցերին նվիրված նյութերի, ինչպես նաև սովետահայ լեզվաբանության անցած ուղին ամփոփող հոդվածների հրատարակությամբ («Հայ լեզվաբանությունը քսանհինգ տարում» 1946, № 1, «Հայերեն գրական լեզվի զարգացումը սովետական իշխանության տարիներին» 1947, № 2):

Ամսագրի հիմնադրումը գրեթե զուգահեռապես հայ գրականագիտական մտքի մարքսիստական-լենինյան ձևավորումն ավարտվելու և ամրապնդվելու հետ, Գրականության նոր ըմբռնումն ու մեկնաբանությունը, գրականագիտական հարցերը մարքսիզմ-լենինիզմի տեսության ոգով լուսարանելը կարևոր այն նվաճումն էր, որ ձեռք էին բերել հայ գրականագիտությանը համատեղ ջանքերով: Նոր փաստերի հայտնաբերում ու մեկնաբանում, դասական գրողների ստեղծագործությունների վերլուծություն նոր տեսանկյունից, գրական հուշարձանների առավել խոր ուսումնասիրում, անցյալի գրավոր ժառանգության վերագնահատում ու արժեքավորում, գրաքննադատական առավել հանգամանալից քննություն,— սովետահայ գրականագիտության այդ ուղին իր լիամիտի արտացոլումն է գտել հենց «Տեղեկագրի» (Արաբեր) էջերում:

Ամսագրի գրականագիտական նյութերի հաշվեկշռում առավելապես մեծ տեղ են զբաղեցրել ժառանգությանը, նրանց կյանքի ու ստեղծագործական ուղու վերհանմանը, նրանց առանձին երկերի վերլուծությանը նվիրված նյութերը: Քիչ գրողներ կարելի է գտնել, որոնց ստեղծագործություններին այս կամ այն շափով անդրադարձած չլինի ամսագիրը. առանձին ուսումնասիրություններ են հրատարակվել հայ գրականության զարգացման ամբողջ ընթացքը՝ շահավորող շուրջ ութ տասնյակ գրողների մասին: Գրականագիտական նյութերի շարքում, ինչպես

պետք էր սպասել, պատշաճ տեղ են զբաղեցնում սովետաճալ գրողներին և նրանց ստեղծագործություններին նվիրված ուսումնասիրությունները:

Դրականագիտական հրատապ թեմատիկայի լուսարանումը միշտ էլ գտնվել է ամսագրի ուշադրության կենտրոնում: Նա ձգտել է իր էջերում արտացոլել ժամանակի առաջագրած պրոբլեմները, համարնթաց է բայել այն խնդիրների հետ, որոնցով զբաղվել է սովետաճալ գրականագիտական միտքը, թեև այդ Հանապարհին նա էլ երբեմն-երբեմն շեղվել է գիտական ճիշտ ուղուց, անխուսափելիորեն տուրք է տվել այն հախուռն, նիհիլիստական տենդենցներին, որ գրսևորվել են անհատի պաշտամունքի տիրապետության տարիներին:

Մի շարք նյութերով ամսագիրը վերլուծել է մարքսիստ գրականագետների հայացքները, պարզաբանել գրականության կուսակցականության սկզբունքները, մեկնաբանել պրոլետարական գրականության առաջամարտիկների ստեղծագործությունները:

Ամսագրի տարեգրքերը պատկերացում են տալիս նաև սովետաճալ բանահյուսության անցած ուղու մասին: Առանձին ուսումնասիրություններ են նվիրվել Վ. Ի. Լենինի կերպարի արտացոլմանը հայ ժողովրդական բանահյուսության մեջ, շատ հոգովածներում վեր է լուծվել հայ բանահյուսության զուգի գործոցը՝ Լպոսը: Հատուկ ուշադրություն է դարձվել ժողովուրդների բարեկամության թևատիկայի արտացոլմանը գրական ստեղծագործություններում (Ժողովուրդների բարեկամության մեծ գրողակերպը (Ախուրդով)՝ 1953, № 3, «ՍՍՀՄ Ժողովուրդների բարեկամության արտացոլումը սովետաճալ գրականության մեջ (1920—1940 թթ.)»՝ 1957, № 11, Ժողովուրդների բարեկամության երգիչը» (Ջիվանի)՝ 1959, № 8, Ժողովուրդների կոդալության դադափարը Ա. Ռակունցի ստեղծագործություններում»՝ 1961, № 5 և այլն): Ամսագրում տպագրված գրականագիտական նյութերի շարքում իրենց ուրույն տեղն ունեն բանասիրական պրպտումներ ու ճշգրտումներ, նորահայտ կամ անհայտ երկեր խորագրերի տակ լույս տեսած հոդվածները, ինչպես նաև դանդաղ առիթներով հրատարակված այլևայլ նամակները:

Սկսած ամսագրի գրեթե անդրանիկ համարներից, նրա էջերում լույս էին տեսնում փրիսոփայական ուսումնասիրություններ, Դրանց շարքում կարևոր տեղ են զբաղեցնում մարքսիստական փրիսոփայության դանդաղ հարցերին նվիրված հոդվածները: Մարքսիստական գիտելիության մարքս-լենինյան փրիսոփայությանը, հասարակության կյանքում փրիսոփայության դերին, գիտելիության մատերիալիզմի օրենքներին, ճանաչողության թեորիային ու էսթետիկայի հարցերին ամսագրում բաղմամբով ուսումնասիրություններ են նվիրվել: Մի շարք նյութերում վեր են լուծվել Վ. Ի. Լենինի փրիսոփայական հայացքները: Փրիսոփայությունը հանգես են եկել զարգացման մասին վոյուտարիստական տեսության ոեակցիան էության, անգլո-ամերիկյան պրպմատիստների, սեմանտիկյան իդեալիզմի, ժամանակակից օեիդիոնիզմի գրսևորումների, արդի մաթուսականության ու Ֆիզիկական իդեալիզմի, ադնոստիցիզմի, նեոկանտականության և բուրժուական սոցիոլոգիայի քննադատությամբ: Նյութեր են նվիրվել լեզվի ու մտածողության, հասարակական երևույթների գիտելիությանը բմբռնման հարցերին, ոուս փրիսոփայաներին:

Ամսագրի փրիսոփայական նյութերի թեմատիկայում ծանրակշիռ մաս են կաղմում հայ փրիսոփայությանը նվիրված հոդվածները: Առանձին ուսումնասիրություններ են հրատարակվել Դավիթ Անհաղթի ուսմունքի, Արիստոտելի տրամաբանության հին հայկական մեկնաբանության, Ս. Սպանդարյանի, Ս. Չարենցի, Գ. Կոստանդյանի, Գրիգոր Տաթևացու, Ա. Գարագաշյանի, Մ. Մամուրյանի, Անանիա Շիրակացու, Գ. Արծրունու, Անդրեաս Փոփովիչի, Պ. Մելիքաճյանի (Ֆիզիկա Պոդոս), Մ. Խաղաղյանի, Ա. Բաղրատունու, Խ. Արքունյանի, Ն. Ռուսինյանի և այլ մտածողների փրիսոփայական հայացքներին և իմաստասիրական տեսությունների վերլուծության ու գնահատության շուրջը: Որոշ հոդվածներում քննարկվել են Սիլվեն Մարեշալի, Գիգրոյի, Լաֆարգի, Կանտի, Արիստոտելի, Հուբախի, Ֆոյերբախի, Դեկարտի, Դիցգենի հայացքները փրիսոփայական այս կամ այն հարցի շուրջը:

Մեծ ուշադրություն է ամսագիրը դարձրել հայկական վերածննդի հարցերին: 1955 թ. № 12-ում տպագրելով Վ. Չալոյանի «Հայկական վերածննդի մասին» ընդարձակ հոդվածը, խմբագրությունը հատուկ ծանուցումով խնդրել է փրիսոփայաներին, հայ հասարակական մտքի ու մշակույթի պատմությամբ զբաղվող գիտնականներին հանգես զալ նրանում արծարծվող հարցերի շուրջը: Հետագա մի շարք համարներում ամսագիրը բաղմամբով նյութեր է հրատարակել այդ խնդրի մասին և 1958 թ. № 11-ում ամփոփել է գիտելիության արդյունքները, հանգես եկել խմբագրական հատուկ հոդվածով: Ի դեպ, մտքերի փոխանակության կարգով հոդվածներ են գետեղվել նաև բազիսի և վերնաշնքի, գիտելիության օրենքի լեզվի զարգացման ասպարեղում գրսևորվելու յուրահատկությունների շուրջը: Դրանով ամսագիրը նպաստել է արծարծվող հարցերի գիտական լուծմանը, թեև երբեմն նաև վրիպել է:

Հատուկ պետք է նշել նաև այն թեմաները, որոնցում արժարժվել են կոմունիստական շինարարության, սոցիալիստական հասարակության զարգացման առաջադրած խնդիրները՝ «Մտավոր և ֆիզիկական աշխատանքի միջև եղած հակադրության առանձնահատկությունների համառոտ վերլուծություն», «Մտավոր և ֆիզիկական աշխատանքի մերձեցման մասին», «Խաղաղության և պատերազմի սոցիալական հիմքերը», «Սուբյեկտիվ գործոնի աճող նշանակությունը կոմունիստական շինարարության մեջ», «Մարդու ինտելեկտուալ հնարավորությունների ձևավորման հարցի շուրջը», «Էսթետիկական պահանջմունքի բնույթի մասին» և այլն:

Վերջին տարիներին ամսագրում տեղ են գտել ոչ քիչ հոդվածներ պետության թեորիայի և իրավագիտության հարցերի շուրջը: Հատկապես քննարկվել են սովետական պետականության, մեր հանրապետության իրավական լիազորությունների, դատարանակազմության և իրավաբանական մի շարք հարցեր և սովետական իրավունքի բարոյական սկզբունքների հետ առնչվող խնդիրներ:

Ամսագրի փիլիսոփայական թեմատիկայով նյութերի շարքում առանձնահատուկ տեղ են զբաղում գիտության զարգացման արդի էտապին և նրա արդյունքներին առնչվող նյութերը:

Գիտության այս կամ այն բնագավառի, մասնավորապես արվեստագիտության, ուսումնասիրությունը հաճախ սերտորեն շաղկապվել է մյուս բնագավառների հետ: Թերևս պատահական չէ, որ արվեստագիտական հարցերն ամսագրում առաջին անգամ արժարժվել են հնագիտական նյութերի քննության կապակցությամբ, ինչպես դա արվել է «Տեղեկագրի» առաջին տարիների համարներում զետեղված Բ. Ա. Շելկովնիկովի հոդվածներում՝ զեղարվեստական խեցեգործության մասին (1940, № 4—5, 1942, № 3—4, 6): Այդ հարցերը, սակայն, տարեցտարի ամսագրում ինքնուրույն և կայուն տեղ են զբաղվել և ահա շուրջ երկու տասնամյակ է, ինչ արվեստագիտությունը դարձել է նրա մշտական բաժիններից մեկը: «Տեղեկագրում» («Լրագրո» հրատարակված շուրջ 120 ուսումնասիրություններ նվիրված են երաժշտության ու երգարվեստի, զբոսնայարչության ու քանդակագործության, ճարտարապետության ու շինարարական արվեստի, թատերագիտության ու դրամատուրգիայի, կիրառական արվեստի ու զեղարվեստության հարցերին և նրանց պատմությանը:

Հատկապես մեծ թվով հետազոտություններ են հրատարակվել հայ դասական և արդի երաժշտության շուրջը: Հայկական խազերի ուսումնասիրությանը, գործիքավորման արվեստին, օպերային կերպարներին, կամերային ու գործիքային երաժշտությանը, մի շարք վայրերի ժողովրդական երգարվեստին ու գործիքներին, երաժշտական պատկերման ու արտահայտության, առվեստին, կոմպոզիտորների ոճական առանձնահատկություններին նվիրված բազմաթիվ պրոբլեմատիկ հոդվածներ նպաստել են սովետահայ երաժշտության զարգացման ու նրա առջև ծառացող հարցերի լուծմանը: Հայ երաժշտության պատմության տարբեր էտապներին նվիրված ուսումնասիրություններին բացի, ամսագրում նյութեր են զետեղվել առանձին կոմպոզիտորների երաժշտական ժառանգության, նրանց գործունեության ու ծառայությունների մասին: Առավել շատ հոդվածներ են նվիրվել հայ երաժշտության մեծագույն երախտավորին՝ Կոմիտասին: Առանձին հոդվածներով ամսագիրն անդրադարձել է նաև Կարա-Մուրզայի, Ա. Սպենդիարյանի, զուսան Շերամի, Ն. Տիգրանյանի ստեղծագործություններին, իսկ Արամ Խաչատրյանի արվեստին նվիրվել է երեք առանձին ուսումնասիրություն:

Հին ու հարուստ է հայ կերպարվեստի պատմությունը: Դրա համեմատ էլ բազմազան են կերպարվեստին նվիրված նյութերը: Ամսագրում ուսումնասիրություններ կան որմնանկարչության, քանդակագործության, սովետահայ զբոսնայարչության սկզբնավորման, ինչպես նաև Բ. Սալթանովի, Մ. Սարյանի, Մոմիկի, Վ. Սուրենյանցի, Ա. Ներսիսյանի, նկարիչ Մանասենի, Հ. Հովնաթանյանի, Հ. Կոչոյանի, Հովհ. Այվազովսկու, Ն. Հովնաթանի մասին:

Բազմաթիվ արժեքավոր հետազոտություններում վեր են հանվել հայ մանրանկարչության արվեստը, առանձին ձեռագրերի նկարազարդումները, ծաղկողների արվեստը, մանրանկարչական դպրոցների հետ առնչվող ուշադրավ հարցերը: Մի շարք ուսումնասիրություններում զուգահեռաբար արժարժվել են հայ կերպարվեստի մասնավորապես քանդակագործության և ճարտարապետական կառույցների զեղարվեստական սինթեզների հարցերը: Առանձին ուսումնասիրություն է նվիրվել Վ. Ի. Լենինի հուշարձանին՝ Հայաստանի ճարտարապետական կոթողների զուխործոցին, ինչպես և սոցիալիստական քաղաքաշինության մի շարք խնդիրներին, Ազրեյանի ճարտարապետության նվաճումներին, հայ ճարտարապետությանը՝ Հայրենական մեծ պատերազմի տարիներին: Ամսագրում մեծ տեղ են զբաղում ճարտարապետության պատմությանը, հնագույն ճարտարապետական կառույցներին ու կոթողներին, մանավանդ աշխարհիկ ու ժողովրդական ճարտարապետության հուշարձաններին նվիրված ուսումնասիրությունները, Կիրառական արվեստ-

տի հարցերն արծարծող նյութերի շարքում աչքի ընկնող տեղ ունեն գորգագործության, ոսկեբլու-
թյան ու արծաթագործության նվիրված հոդվածները:

Ամսագրում մեծ տեղ է հատկացվել թատերագիտության հարցերին ու հայ թատրոնի պատ-
մասությանը, ականավոր դերասանների արվեստին (Պետրոս Աղամյան, Սիրանույշ, Արշակ Բու-
շայան, Սուրեն Քոչարյան, Մարտիրոս Մնակյան, Հրայր Ներսիսյան, Համբարձում Խաչանյան և
Հոդվածներ են տպագրվել Ղանձակի, եղիպտահայ, դպրոցական թատրոնների մասին, Մոսկվաի
դեղարվեստական թատրոնի, հայ դրամատիկական ստուդիայի (Մոսկվա), ռեժիսորական ար-
վեստի, ներկայացումների ձևավորման, Ստանիսլավսկու թատերագիտական հայացքների, սո-
վետահայ դրամատուրգիայի դարգացման շուրջը:

Արվեստագիտության հրատապ հարցերն արծարծող նյութերի շարքում հարկ է շեշտել Ա. Բ.
Խաչատրյանի «Արվեստագետի վերաբերյալ պարտքը ժողովրդի հանդեպ» (1969, № 8) հոդվածը, ինչպես
և արվեստագիտության, հարստարակության ու գեղանկարչության հարցերին նվիրված մի
շարք ուսումնասիրություններ, դրանց շարքում «Սուրենյանի վերաբերյալ արվեստում» (1969, № 2),
«Արդի բաղադրողականության զարգացման ստանձնահատկությունները» (1968, № 7), «Քաղաքների
ձևակերպման շուրջ» (1968, № 4) հոդվածները:

Ինչպես արվեստագիտության, այնպես էլ հասարակական գիտությունների մի շարք այլ
բնագիտական ոլորտում կատարված ուսումնասիրություններն առավել լայն ու համեմատաբար կա-
նոնավոր հրատարակություն են ունեցել ամսագրի էջերում: Դա հայտնի չափով վերաբերում է
նաև հայ մամուլի պատմությանը, Ընդհանուր առմամբ մամուլի պատմությանը նվիրված շուրջ
հինգ տասնյակ հոդվածներ և հրապարակումներ են լույս տեսել ամսագրում: Դրանք սկզբնապես
իրենց ճնշող մասով նվիրված էին ռուսերենի և գեղարվեստական մամուլի առանձին օրգան-
ների, հեղափոխական-դեմոկրատ հրապարակախոսներին: Տարեցտարի հայ մամուլի պատ-
մության դեմը հրատարակված նյութերի ընդգրկման շրջանակն ավելի լայնանալով ներառել է
նաև ռուստահայ և սփյուռքահայ մամուլը, հայկական զաղթախներում հրատարակված առան-
ձին թերթերն ու ամսագրերը, ինչպես նաև դրանց գործունեությանը բնագավառները:

«Տեղեկագիրը» («Երանդ») իր հրատարակած նյութերով շատ բանով է նպաստել ոչ միայն
առանձին գիտությունների, այլ նաև հայագիտության զարգացմանը ընդհանուր առմամբ: Այս-
տեղ խոսքն ամենից առաջ այն թեմաների մասին է, որոնք միաժամանակ շոշափում են գիտու-
թյան տարրերը ասպարեզներ, քննում են այնպիսի հարցեր, որոնք հավասարապես հետաքրքրա-
կան են ոչ միայն տվյալ բնագավառի մասնագետների համար, այլ նաև հարակից, երբեմն նաև
«ուրիշ» գիտություններով զբաղվողների համար: Այս իմաստով, անշուշտ, հետաքրքրական են
հին Հայաստանում մաթեմատիկայի պատմությանը նվիրված նյութերը, մաթեմատիկական եր-
կերի թարգմանությունների նշանակության մեկնաբանման փորձերը, հայ բնափիլիսոփայության
մեջ էլեմենտների երկրաչափական ուսման արձագանքները ցուցահանող հոդվածները (1945,
№ 1—2, 3—4, 1946, № 2—3): Ոչ միայն հայագիտության, այլ նաև կոմկուսագիտության, մեր
հարեան կղզայական ժողովուրդների պատմության համար մասնավորապես արժեքավոր պետք
է համարել ազվանից պատմության զանազան հարցերին նվիրված այն հոդվածները, որոնք
լույս են տեսել ամսագրում՝ սկսած 1941 թ. № 3—4-ից, ինչպես նաև հայ և մյուս ժողո-
վուրդների մշակութային առնչակցությունները լուսարանող բազմաթիվ նյութեր: Առավել մեծ ար-
ժեք են ներկայացնում այն ուսումնասիրությունները, որոնք նպաստեցին ուրարտագիտությանը,
որի բնօրրանն իրավամբ Հայաստան է համարվում: Կարևոր քայլեր են արվել նաև բյուզան-
դագիտության ուղղությամբ և հայ գիտնականների այդ քայլերը ևս արտացոլվել են ամսագրի
էջերում:

Ամսագրի երկարատև գոյության ընթացքում մշակութային առնչակցությունների թեման
մշտապես կենտրոնական տեղ են դրավել նրա էջերում: Ավելի քան հարյուր գիտական
ուսումնասիրություններ ու հոդվածներ են նվիրվել հայ ժողովրդի պատմական, լեզվա-
գրական տնտեսական կյանքին՝ մյուս ժողովուրդների հետ, ինչպես և այդ ժողո-
վուրդների պատմության և գործիչների առնչակցությունների հարցերին՝ հայ ժողովրդի
ու նրա մշակույթի հետ: Հատկապես շատ ուսումնասիրություններ են նվիրվել հայ-ռու-
սական բարեկամական փոխհարաբերություններին ու դարավոր կապերին: 1941 թ. № 7-ում
լույս տեսած Գուրգեն Հովհանի «Թուրքաստանը և հայ մշակույթը» հանգամանալից հու-
լածից հետո ամսագիրը ավելի ու ավելի հաճախ է անդրադարձել հայ և ռուս ականավոր գոր-
ծիչների, մասնավորապես գրողների ստեղծագործական կապերին (2. Թումանյանը և ռուս
կյասիկները, Պ. Աղամյանը և ռուս կյասիկ դրամատուրգիան, Չերեխևսկին և անցյալի 50—60-
ական թվականների հայ հեղափոխական դեմոկրատիան, Մայակովսկին և սովետահայ պոեզիան,

Բելինսկին և հայ թատերական քննադատությունը, պայքար հայ թատրոնում Մ. Գորկու դրամատուրգիայի համար, Նեկրասովը և հայ պոեզիան, ուսումնական թատրոնների դերը հայ թատրոնի զարգացման գործում, Շիրվանզադեի ստեղծագործական կապերը ուսումնական թատրոնի հետ, Բրյուսովը և Հ. Հովհաննիսյանը, Լ. Տոլստոյը՝ Ս. Սպանդարյանի գնահատմամբ, Մ. Գորկու լենինյան գնահատության արձագանքները հայ դրականության մեջ, Օստրովսկու դրամատուրգիան հայ բեմում և այլն)։ Միաժամանակ լուսաբանվել են ուսումնական թատրոնների երկերի հայերեն թարգմանության պատմության առանձին էջերը, ուսումնական թատրոնների զարգացմանը Հայաստանի մասին, Հայաստանի արտացոլումը ուսական գեղանկարչության մեջ, հայ-ուսական հարաբերությունների պատմությունը, հրապարակվել են դրանց նվիրված նորահայտ վավերագրեր, հայ-ուսական տնտեսական ու առևտրական կապերը պարզաբանող նյութեր։

Ուկրաինա և Հայաստան։ Հայ և ուկրաինական ժողովուրդներ։ Շատ ընդհանրություններ կան երկու երկրների ու ժողովուրդների պատմություններում։ Եվ այդ ընդհանրությունները երկուստեք զբաղեցրել են հայ և ուկրաինացի պատմաբաններին, մանավանդ վերջին տասնամյակներում։ Նրանց նորագույն հետազոտություններն իրենց զգալի մասով տեղ են գտել ամսագրի էջերում և կազմել այն ավանդը հայ-ուկրաինական կապերի ուսումնասիրության պատմության մեջ, որի արժեքն ու նշանակությունը բավականաչափ մեծ է։

Այդ ուղղությամբ ամսագրի նշանակալից քայլերից մեկը 1954 թ. 4-րդ համարն Ուկրաինան Ռուսաստանի հետ վերջնականապես վերամիավորելու 300-ամյակին նվիրված էր։ Համարի մի շարք նյութեր լուսաբանում են հայ-ուկրաինական կապերը։ Դրանով փաստորեն սկսվեց այդ կապերի առավել հանգամանալից գիտական լուսաբանումն ամսագրում։ Շուտով ամսագիրն իրար հետևից հրատարակեց հայ և ուկրաինացի ուսումնասիրողների նոր արժեքավոր հոդվածներ՝ Յու. Լազարենկոյի «Հետաքրքրություն Ուկրաինայում եղբայրական Հայաստանի կուլտուրայի նկատմամբ», Մ. Մուրադյանի՝ «Հայ-ուկրաինական երաժշտական կապերի պատմությունից», Ն. Կրիվոնոսի և Վ. Գրիբովիցիով՝ «Լվովի հայկական գաղութը XIV—XVII դարերում», Հ. Գալստյանի՝ «Հայ դպրոցական թատրոնն Արևմտյան Ուկրաինայում»։

Ուկրաինացի ուսումնասիրողներին իր էջերում հյուրընկալելու շնորհիվ ամսագրում երևան եկան նաև XV—XVII դդ. հայերի կիևում գտնվելու, հայ-ուկրաինական փոխաբարբերության ուսումնասիրության գործում ուկրաինական պատմագրության և Լվովի սովետական գիտնականների ներդրման մասին ընդհանրացնող հոդվածները։ Հանգամանալից ուսումնասիրություններ լույս տեսան «Հայկական աղբյուրները Ուկրաինայի քաղաքների մասին», «Շենվլենկոն և հայ-ուսաբարակությունը», «Ուկրաինան սովետական պոեզիայում» թեմաներով։

Հայ-վրացական բարեկամության արմատները դարերի խորքից են զգալի։ Բերես այդքան էլ հին է այդ կապերի ուսումնասիրության պատմությունը։ Սովետական տարիներին այդ թեման նոր ծավալ, նոր բովանդակություն ու նոր որակ է ստացել։ Դա հայտնի չափով ակնառու է նաև այն նյութից, որոնք հրատարակվել են ամսագրի շատ համարներում։ Հայերենի և վրացերենի ընդհանրությունների ուսումնասիրությանը նվիրված Ա. Մուրվալյանի հոդվածաշարից բացի դեռևս 40-ական թվականներին ամսագրում լույս են տեսել նյութեր նվիրված Թիֆլիսի մասին հայ անանուն պատմիչի երկին, վրաց և հայոց գրական առնչակցություններին՝ հնագույն ժամանակներից մինչև մեր օրերը, Գ. Սունդուկյանի ու Ավ. Խաչակյանի կապերին վրաց կլասիկների հետ, Հաջորդ տասնամյակում այդ թեման ավելի է լայնացել։ Ամսագրում առանձին հոդվածներ են նվիրվել վրաց սովետական պոեզիան, Գրիշալիլին ու հայ դրականությունը, հայ-վրացական ֆուլկլորային կապերը, Թիֆլիսին որպես գիտական կենտրոն, հայ գրողները Վրաստանի և վրաց ժողովրդի մասին, ժամանակակից վրաց և հայ պատմական վեպի ընդհանրությունները թեմաներին, ինչպես և երկու ժողովուրդների գրական փոխազդեցությունների ուսումնասիրության խնդիրներին։

Հարկ է ընդգծել, որ հայ-վրացական կապերը և վրաց ժողովրդի պատմության մի շարք հարցեր ամսագրում լուսաբանվել են վրաց գիտնականների արդյունավետ մասնակցությամբ։ Բնավ պատահական չէ, որ առանձին վրաց գիտնականներ ամսագրում սկսել են հանգես դալ դեռևս նրա անդրանիկ համարներում՝ հաճախ գնահատելով նաև իրենց հայ կոլեգաների գործերը, իրենց մասնակցությունը բերելով հայագիտական առանձին հարցերի պարզաբանմանը, վերահանելով վրացական աղբյուրները հայերի մասին։ Մասնավորապես Ա. Շանիձեն և Ի. Արուլաձեն հաճախ են հյուրընկալվել ամսագրի էջերում։

Հայ-ադրբեջանական գրական-մշակութային կապերը ևս իրենց արժանի տեղն են գրավել ամսագրում։ Ադրբեջանական ժողովրդական նորահայտ երգերը, ադրբեջանցու կերպարը հայ գրողների երկերում, երկու ժողովուրդների առևտրատնտեսական կապերը XVII դ., հայ և ադրբե-

շանական զուգացիական համատեղ ելույթները XIX դարի II կեսին հարցերը քննվել են առանձին հոգվածներում: Մի շարք նյութեր են նվիրվել հայ-ազրբեջանական դրական կապերին և այլն, Լեզգանրապես ամսագիրը հայ և մյուս ժողովուրդների մշակութային առնչակցություններին մշտական հոգատարությամբ է վերաբերվել, իր նեղ հնարավորությունների սահմաններում համեմատաբար մեծ տեղ է հատկացրել այդ կապերի բացահայտման ու գիտական ընդհանրացումներին, հանդամանորեն լուսարանել է այդ ժողովուրդների բարեկամությունը, որ հենված է հին ժամանակներից եկող պատմական կապերի վրա:

Ամսագրի տարրեր տարիների հավաքածուներում ուսումնասիրություններ կարելի է գտնել հայ-ֆրանսիական, հայ-անգլիական, հայ-ռուսական, հայ-արաբական, հայ-էստոնական, հայ-պարսկական, հայ-բուլղարական, հայ-քրդական, հայ-հունական, հայ-հունգարական, հայ- ինդո-նեզական, հայ-արխաղական, հայ-լեհական, հայ-բելոռուսական փոխադարձ առնչակցությունների, դրական-մշակութային կապերի ու համագործակցությունների մասին: Այդ թեմատիկայի բազմակողմանի ուսումնասիրության և չուսաբանման վկայությունն է նաև մյուս ժողովուրդների հին և նոր այն գործիչների ցանկը, որոնց գործունեությունն այս կամ այն չափով վեր է հանվել ամսագրի էջերում: Բնա այդ ցանկը, որ արդեն թվարկվածներից բացի կարելի է լրացնել Խաչատուրյանի այլ աշխատանքով՝ Յու. Վեսելովսկի, Յու. Լեբոնտով, Պավլո Տիխոն, Բալդու, Ա. Ս. Պուշկին, Ա. Սուվորով, Գոգոլ, Ն. Չերնիշևսկի, Վ. Մալախովսկի, Լ. Տոլստոյ, Ա. Օստրովսկի, Վ. Բելինսկի, Մ. Գորկի, Երևել, Վ. Հյուգո, Ա. Չեխով, Պ. Յավորով, Տ. Շեքսպիր, Տ. Մանկովսկի, Ե. Ռուսովսկի, Մակլարտ:

Ի սկզբանե ամսագիրը իր գլխավոր խնդիրներից մեկն էր համարում արխիվային նորահայտ փաստաթղթերի, պատմական ու զրական արժեքավոր անտիպ վավերագրերի հրատարակումը և դրանց մեկնաբանումը, թանգարաններում և արխիվներում ստացված նոր նյութերի մասին գիտական աշխարհին հաղորդելու: Ուստի պատահական չէ, որ շատ նորահայտ նյութեր սկզբնապես հրապարակ են եկել ամսագրի էջերում, կամ մեկնաբանվել նրա համարներում լույս տեսած ուսումնասիրություններում: Նյութեր են հրատարակվել Չերնիշևսկու «Եանապարհորդության», կոմ. Շուլենբերգի արխիվի, Ղրիմի պատերազմի, բանվորական ընդհանուրային խմբակների, 1921 թ. Հայաստանում մղված քաղաքացիական կռիվների, Վ. Բրյուսովի արխիվի, Խմբակների շեֆական աշխատանքի, Լոռու 1921 թ. ապստամբության, Արևելյան Հայաստանի Ռուսաստանին միանալու, Ուկրաինական և Յյուրիևի արխիվներում հայտնաբերված նորահայտ նյութերի, 1812 թ. հայրենական պատերազմի, 1915 թ. հայկական կոտորածների, Բաքվի հայ և ազրբեջանցի բնակիչների ցույց տրված օգնության (1905), Կոդրի աղահանքերի, Բիզիսի 1795 թ. ավերման, հայ դադթօշախների վերաբերյալ Պարբերաբար հաղորդումներ են զետեղվել արխիվային և թանգարանային ֆոնդերը նոր նյութերով հարստանալու մասին:

Արխիվային նոր նյութերի և առհասարակ ղեկուս գիտական շրջանառության մեջ շրջված վավերագրերի հիման վրա գրված ուսումնասիրությունների շարքում աչքի են ընկնում Հայրենական մեծ պատերազմի թեմատիկայով գրված հոգվածները՝ մասնավորապես ծովակալ Հ. Իսակովի «Հայ ծովայինները Հայրենական մեծ պատերազմում» և Սովետական Միության մարշալ Հ. Բ. Փաղաձյանի ուսումնասիրությունները:

Առհասարակ «Տեղեկագրի» (սերաբեր) էջերում հանդես են եկել ժամանակի անվանի հայ գիտնականներ: Նրանց գիտական մեծարժեք հոգվածները զարգարել են ամսագրի համարները:

Հայագիտության երախտաշատ մշակը՝ ականավոր գիտնական Հրաչյա Աճառյանն ամսագրում հանդես է եկել նրա անդրանիկ համարներից սկսած, 1941 թ. № 3—4-ում ամսագիրը հրատարակել է Հր. Աճառյանի «Աղվանացի գիրը» հոգվածը և հորենազու աշխարհաբար թարգմանության մասին, իսկ հաջորդ տարում նրա էջերում անվանի գիտնականը լույս է ընծայել երկու գրախոսականներ՝ «Հայերեն նոր բառեր Թեոնի մեջ» և «Ամիրդովլաթի որդատ բառը», 1944 թ. 5-րդ համարից նա սկսել է ամսագրում պարբերաբար հրատարակել իր մեծարժեք ուսումնասիրությունները՝ «Հայկականքը», Մինչև իր մահն անվանի հայագետն ամսագրում լույս է ընծայել աշխատության Ա—Բ հատվածները (1944, № 5, 1945, № 1—2, 3—4, 1946, № 1 և 6, 1948, № 5, 1950, № 12, 1952, № 1 և 11):

Ամսագրի 1951 թ. 4-րդ համարում ականավոր պատմագետ Հ. Մանանդյանը հանդես է եկել չնոր գիտությունների Գառնի հունարեն արձանագրության և հեթանոսական տաճարի մասին, ուսումնասիրությամբ: Վրա հասած մահը խանգարել է մեծ գիտնականի աշխատակցությունն ամսագրին, բայց նրա էջերում համահունչ լույս են տեսել Մանանդյանի վերջին ավարտուն ուսումնասիրությունները՝ «Հուստինիանոսի նովելները հայերի ժառանգման կարգի մասին», «Հայ

գրերի գյուտի տարեթվի հարցի շուրջը» (1952, № 5 և 7), «Միջօրեազօծի և երկրի մակերեսի առ-տիճանական շափումներն ըստ հին հայկական աղբյուրների» (1953, № 6):

Մահն ընդհատել է նաև այն ծանրակշիռ աշխատակցությունը, որ բերում էր ամսագրին մեծ հայազետ Մ. Արեղյանը: Բայց մինչ այդ նա ամսագրում հրատարակել է իր մեծարժեք ուսում-նասիրություններից մի քանիսը՝ «Վիպական երգեր» (1940, № 4—5), «Վերածնությունը հայոց հին գրականության մեջ» (1941, № 5—6), «Կյանքի և աշխարհայեցողության փոփոխությունը 10-րդ դարի վերջում և 11-րդ դարի սկզբներում, իբրև հիմք հայոց հին գրականության վերլուծության շրջանի» (1943, № 1), «Հովհաննես Սարկավազ վարդապետ» (1944, № 1—2):

Առավել բեղմնավոր մասնակցություն է ամսագրին ունեցել ակադեմիկոս Գ. Ղափանցյանը-Լեռնալի ուսումնասիրությունը, որ նա հրատարակել է ամսագրում նվիրված է ուրարտական ար-ձանագրությունների մի քանի հին ոճերին ու արտահայտություններին (1943, № 3): 1944 թ. միացյալ № 1—2 համարներում նա ուսման լեզվով լույս է ընծայել «Մի խնթական առաս-պելի մասին կապված կոռնկի և զարնան աստվածության հետ» ուսումնասիրությունը, որը հետո հրատարակեց հայերեն՝ համալսարանի գիտաշխատությունների ժողովածուում, իսկ № 6—7-ում՝ ուրարտական Adurtha աստվածության մասին հոգվածը: Հաջորդ տարում նա հանդես է եկել հայերենի ասորա-քարեկական բառերին նվիրված հետազոտությամբ (1945, № 3—4): 1946 թ. Ղափանցյանն ամսագրում հրատարակել է իր երեք ուսումնասիրությունները՝ հայոց լեզվի ծագ-ման, հայկական ու սլավոնական և ուրարտական աստվածությունների մասին: Լեզվի և լեզվա-բանության հարցերի մասին անվանի գիտնականը հանդես է եկել նաև հետագա տարիներին (1948, № 6, 1950, № 11, 1951, № 3, 5, 6 և 7, 1954, № 1 և 9):

Անշուշտ կարելի է շարունակել ամսագրին աշխատակցած անվանի գիտնականների ցանկը: Այդ երկրորդ ցանկում պատվավոր տեղ ունեն Ստ. Մախասյանը, Հ. Ազատյանը, Հ. Գուլիսյանը, Ստ. Կոնյանը, Լ. Մելիքսեթ-Քեկը, Վ. Ռշտունին, Ա. Տերտերյանը և ուրիշներ:

Ամսագիրը նկատելի ծառայություն է մատուցել նաև հայ ճանաչված գիտնականների կյանքի ու գիտական ծառայությունների մասին տարբեր առիթներով հոգվածներ և այլ նյութեր հրա-տարակելով (Մ. Արեղյան, Հ. Օրբելի, Ալ. Բամանյան, Խ. Սամվելյան, Արտ. Կարինյան, Ա. Ալ-պոյաճյան, Խ. Սարգսյան, Հ. Ալվանյան, Ա. Սաֆրաստյան, Լ. Մելիքսեթ-Քեկ, Հ. Ակինյան, Հ. Մանանդյան, Վ. Ռշտունի, Գ. Սևակ, Սրբուհի Լիսիցյան, Հ. Այվազյան, Հ. Կուսիկյան, Վ. Զալոյան, Ե. Լալայան, Հ. Գուլիսյան, Աշ. Հովհաննիսյան, Ս. Երեմյան, Ար. Հովհաննիս-յան, Վ. Համբարձումյան, Ա. Ղարիբյան, Ա. Ղանալանյան):

Անհամեմատ հարուստ է եղել ամսագրի մշտական բաժիններից մեկը՝ «Գրախոսություն», որը երևան է եկել մինչև այժմ լույս տեսած համարյա բոլոր 332 համարներում*: Ընդհանուր առմամբ ամսագրում հրատարակվել է շուրջ 350 գրախոսական, չհաշված բազմաթիվ ընդարձակ ու հակիրճ այն անոտագիաները, որոնք լույս են ընծայվել «Նոր գրքեր» խորագրի տակ, ինչպես նաև այն տեսությունները, որոնք ընթերցողներին ծանոթացնում են ՍՍՀՄ ԳԱ հայկական ֆի-լիալի, ապա նաև ՀՍՍՀ ԳԱ և այլ գիտական օջախների հրատարակություններին: Առանձին դեպքերում խմբագրությունը հնարավորություն է տվել աշխատությունների հեղինակներին հան-դես գալու իրենց գրույթների նոր հիմնավորումներով ու պաշտպանությամբ, թույլ տված սեփա-կան սխալների բացահայտմամբ ու ճշգրտումներով: Ուշագրավ է, որ ամսագրում գրախոսական-ներով հանդես են եկել թե՛ անվանի գիտնականները և թե՛ երիտասարդ գիտաշխատողները: առանձին դեպքերում նաև գրողները: Այս բաժնում, ինչպես նաև «Նամակ խմբագրության» խո-րս-գրի տակ տպագրված արձագանքներում ամսագիրը երբեմն անդրադարձել է իր էջերում հրա-տարակված նյութերին ևս և այգպիսով ճշտել թույլ տված որոշ վրիպումները:

Գիտությունների ակադեմիայի, նրա հասարակական գիտությունների բաժնի ու առանձին ինստիտուտների ու սեկտորների կյանքը լուսաբանելու նպատակով, ամսագիրը մեծ թվով նյու-թեր ու ինֆորմացիաներ է գետնել «Գիտական լրատու» բաժնում, հրատարակել է տարեկան

* 1966 թ. № 1-ից, երբ «Տեղեկագիրը» վերանվանվեց «Լրաբեր» և ամսագրի հերթական թվահամարների հետ միասին փակագծերում նշվեց նաև ընդհանուր համարակալումը, սխալ է թույլ տրվել: Մինչև 1966 թ. լույս է տեսել ամսագրի 276 համար (1940 թ. 5, 1941 թ. 9, 1942 թ. 10, 1943 թ. 3, 1944 թ. 7, 1945 թ. 8, 1946 թ. 12, 1947 թ. 8, 1948 թ. 12, 1949 թ. 10, իսկ 1950—1965 թթ.՝ տարեկան 12 համար): Մինչդեռ 1966 թ. հունվարյան համարը կրում է № 1 (272) թվահամարը: Սկսած այս համարից ամսագրի ընդհանուր համարակալումը ավելացվում է 5-սմ. որով ուղղվում է թույլ տրված սխալը:

ժողովների ընդարձակ հաշվետվություններ, ինչպես նաև մի շարք փաստաթղթեր ու որոշումներ, վեր լուսնի դիտական հիմնարկների գործունեությունը:

Ինչպես մատնանշվեց, ամսագիրը գործող ապարատի հետ միատեղ ի սկզբանե լույս էր ընծայում նրա խմբագրական կոլեգիան, որի կազմը՝ բաղկացած Հանաշված գիտնականներից, հաստատում էր գիտությունների ակադեմիայի նախագահությունը: Տարիների ընթացքում ամսագրի խմբագրական կոլեգիան համալրվել է նրա կազմում տարրեր ժամանակներում, անդրանիկ կազմից հետո, աշխատել են նաև Շ. Գ. Ռատիկյանը (պատասխանատու խմբագիր 1940 թ. մարտից), Գ. Ն. Հովնանյան, Ս. Շ. Մովսիսյանը, Մ. Գ. Ներսիսյանը (պատասխանատու խմբագիր 1944 թ. մայիսից), Խ. Ն. Մոմջյանը (պատասխանատու խմբագիր 1943 թ. փետրվարից և 1951 թ. հունվարից), Շ. Ա. Օրբելին (պատասխանատու խմբագիր 1946 թ. հունիսից), Ա. Ս. Ղարիբյանը, Գ. Ա. Ղափանցյանը, Բ. Բ. Պիտրոսյանը, Խ. Ս. Սարգսյանը, Բ. Ն. Առաքելյանը, Ա. Ռ. Հովհաննիսյանը (պատասխանատու խմբագիր 1948 թ. հունվարից), Տ. Պ. Ալեքսանյանը, Շ. Ե. Թումանյանը, Ա. Ս. Տերտերյանը, Գ. Խ. Ստեփանյանը (պատասխանատու խմբագիր 1954 թ. մարտից), Մ. Մ. Մկրչյանը, Մ. Պ. Աղայանը (պատասխանատու խմբագիր 1950 թ. փետրվարից և 1969 թ. հունվարից), Վ. Ա. Պարսամյանը, Տ. Ա. Ալեքսանյանը, Ս. Տ. Երեմյանը, Ռ. Վ. Զարյանը, Գ. Ն. Հովհաննիսյանը, Ա. Շ. Մարությանը, Շ. Գ. Ասլանյանը (պատասխանատու խմբագիր 1958 թ. հունվարից), Էդ. Բ. Աղայանը, Կ. Գ. Ղաֆաղարյանը, Կ. Ս. Խուզակերդյանը, Ա. Ա. Առաքելյանը, Գ. Ա. Արուստի (պատասխանատու խմբագիր 1961 թ. մայիսից), Շ. Գ. Ինճիկյանը (պատասխանատու խմբագիր 1966 թ. հունվարից), Ա. Բ. Կարինյանը, Գ. Գ. Սևակը, Ռ. Գ. Սահակյանը, Մ. Լ. Հովհաննիսյանը, Գ. Ա. Գալոյանը, Կ. Բ. Ուդումյանը, Շ. Ա. Ավետիսյանը, Զ. Հ. Հակոբյանը և Մ. Ն. Հակոբյանը:

Ամսագրի պրոֆիլը 1943 թ. հետո, երբ ՀՍՍՀ գիտությունների ակադեմիայի ստեղծմամբ այն դարձավ հասարակական գիտությունների գծով կատարվող ուսումնասիրությունները լուսաբանող հիմնական օրգանը, նկատելի որակի փոփոխություն չի կրել: Որպես կանոն նյութերը հրատարակվել են հայերեն և ռուսերեն լեզուներով՝ զրանց կցելով համապատասխան լեզվով ամփոփումներ (մի կարճ ժամանակ նաև օտար լեզվով): Տարբեր ժամանակաշրջաններում ամսագրի տպաքանակը տատանվել է նրա առաջին համարները հրատարակվել են միջին հաշվով 1200 օրինակ տպաքանակով, բայց պատերազմական տարիներին տպաքանակը նվազելով հասել է 400-ի, Ամսագրի տպաքանակը չի կայունացել նաև ետպատերազմյան առաջին տարիներին, երբ նրա առանձին համարները լույս էին տեսնում 2000 օրինակով, բայց հիմնականում հրատարակվում էր 750—850, իսկ 1951 թ. սկսած առանձին համարներ՝ 1000 օրինակ տպաքանակով, 1969 թ. սկզբից ամսագրի տպաքանակը սկսեց ավելանալ: Այժմ լուսաբերվում է տեսնում ավելի քան 2400 օրինակ տպաքանակով և տարածում է գտնում ոչ միայն Սովետական Միության սահմաններում, այլ նաև բազմաթիվ արտասահմանյան երկրներում՝ Բուլղարիա, Հունգարիա, ԳՊՀ, Լեհաստան, Զեխսլովակիա, Ռումինիա, Հարավսլավիա, Մոնղոլիա, Կուբա, Կորեա, Զինաստան, ինչպես և՛ Ամերիկա, Անգլիա, Ֆրանսիա, Ֆինլանդիա, Ճապոնիա, Եգիպտոս, Շվեդիա, Ավստրիա, Կանադա, ԳՖՀ, Ավստրալիա և շուրջ երկու տասնյակ այլ երկրներ: Ըստ որում, արտասահմանյան շատ երկրներում ամսագիրը ստանում են ոչ միայն կենտրոնական գրադարաններում, գիտական հիմնարկներում և սփյուռքահայ մշակութային կազմակերպություններում ու խմբագրություններում, այլև բազմաթիվ գիտնականներ ու գործիչներ: Այդպիսով լուսաբերվում է կապի յուրահատուկ միջոց, որով արտասահմանյան գիտական հասարակայնությունը հաղորդակից է դառնում Սովետական Հայաստանում հասարակական գիտությունների ձեռք բերած այն նվաճումներին, որոնք հրատարակվում են ամսագրի էջերում:

Իր երեսնամյա գործունեության ընթացքում ամսագիրն, իհարկե, ունեցել է թրեություններ, բայց նա մշտապես ձգտել է արդյունավետ օգտագործել իր հնարավորությունները, հեղինակային ակտիվի ուժերով աշխատել է լայնորեն ու ճիշտ արտացոլել հասարակական գիտությունների վարդապետական ընթացքը, նպաստել սովետահայ գիտնականների բեղմնավոր գործունեության: Առաջնորդվելով սովետական մամուլի ավանդույթներով, լուսաբերվում է մեծ լեռնի գաղափարների սղով լուսաբանում է հասարակական գիտությունների նվաճումները, նպաստում կոմունիստական կուսակցության և սովետական կառավարության առաջադրած խնդիրների կենսագործմանը, իր համեստ բաժինն է ներդնում կոմունիստական շինարարության գործում:

Մ. Ն. ՀԱՅՈՐՅԱՆ